

柳田文庫  
文庫11  
D 256  
1



文庫 11  
D 256  
1

010190561092

48-11064

柳田泉文庫

予所藏者恐是南雍本翻板近今蓋罕  
觀云

放辛老人識



史記集解序

宋中郎外兵曹參軍裴駙



班固有言曰司馬遷據左氏國語采世本戰國策述楚  
漢春秋接其後事訖于天漢其言秦漢詳矣至於采經  
摭傳分散數家之事甚多疏略或有抵牾亦其所涉獵  
者廣博貫穿經傳馳騁古今上下數千載間斯已勤矣  
又其是非頗謬於聖人論大道則先黃老而後六經序  
游俠則退處士而進姦雄述貨殖則崇勢利而羞貧賤  
此其所蔽也然自劉向揚雄博極羣書皆稱遷有良史  
之才服其善序事理辯而不華質而不俚其文直其事



核不虛美不隱惡故謂之實錄。駟以為固之所言世  
稱其當。雖時有紕繆實勒成一家。總其大較信命世  
之宏才也。考較此書文句不同有多有少莫辯其實  
而世之惑者定彼從此是非相質真偽舛雜故中散大  
夫東莞徐廣研核眾本為作音義具列異同兼述訓  
解粗有所發明而殊恨省略聊以愚管增演徐氏采  
經傳百家并先儒之說。豫是有益悉皆抄內。刪其游  
辭取其要實或義在可疑則數家兼列。漢書音義稱  
臣瓚者莫知氏姓今直云瓚曰又都無姓名者但云  
漢書音義時見微意有所裨補。壁壘星之繼朝陽飛  
塵之集華嶽以徐為本號曰集解未詳則闕弗敢臆說  
人心不同聞見異辭班氏所謂疏略抵牾者依違不悉  
辯也愧非胥臣之多聞子產之博物妄言末學蕪穢舊  
史豈足以闡諸畜德庶賢無所用心而已。

史記集解序終

史記索隱序

朝散大夫國子博士弘文館學士河內司馬貞  
史記者漢太史司馬遷父子之所述也遷自以承五  
百之運繼春秋而纂是史其裒貶覈實頗亞於丘明  
之書於是上始軒轅下訖天漢作十二本紀十表八  
書二十系家七十列傳凡一百三十篇始變左氏之  
體而年載悠邈簡冊闕遺勒成一家其勤至矣又其  
屬稿先據左氏國語系本戰國策楚漢春秋及諸子  
百家之書而後貫穿經傳馳騁古今錯綜彙括各使成  
一國一家之事故其意難究詳矣比於班書微為古質

故漢晉名賢未知見重所以魏文侯聽古樂則唯恐  
臥良有以也逮至晉末有中散大夫東莞徐廣始考  
異同作音義十三卷宗外兵叅軍裴駙又取經傳訓  
釋作集解合爲八十卷雖粗見微意而未窮討論南  
齊輕車錄事鄒誕生亦作音義三卷音則微殊義乃  
更略爾後其學中廢貞觀中諫議大夫崇賢館學士  
劉伯莊達學宏才鉤深探賾又作音義二十卷比於  
徐鄒音則具矣殘文錯節異音微義雖知獨善不見  
傍通欲使後人從何准的貞觀間陋識頗事鑽研而  
家傳是書不敢失墜初欲改更舛錯裨補踈遺義有  
未通兼重註述然以此書殘缺雖多實爲古史忽加穿  
鑿難允物情今止探求異聞採摭典故解其所未解申  
其所未申者釋文演註又爲述贊凡三十卷號曰史記  
索隱雖未敢藏之書府亦欲以貽厥孫謀云

史記索隱序終

史記索隱後序

夫太史公紀事上始軒轅下訖天漢雖博采古文及傳記諸子其間殘缺蓋多或訪搜異聞以成其說然其人好奇而詞省故事覈而文微是以後之學者多所未究其班氏之書成於後漢彪既依遷而述所以條流更明且又兼采眾賢羣理畢備故其旨富其詞文是以近代諸儒共所鑽仰其訓詁蓋亦多門蔡謨集解之時已有二十四家之說所以於文無所滯於理無所遺而太史公之書既上序軒黃中述戰國或得之於名山壞宅或取之以舊俗風謠故其殘文斷句難究詳矣然古今為註解者



絕省音義亦希。始後漢延篤乃有音義一卷。又別有音隱五卷。不記作者何人。近代鮮有二家之本。宋中散大夫徐廣作音義一十卷。唯記諸本異同於義少有解釋。又中兵郎裴駰亦名家之子也。作集解註本合為八十卷。見行於代。仍云亦有音義。前代久已散亡。南齊輕車錄事鄒誕生亦撰音義三卷。音則尚奇。義則罕說。隋祕書監柳顧言尤善此史。劉伯莊云其先人曾從彼公受業。或音解隨而記錄。凡三十卷。隋季喪亂。遂失此書。伯莊以貞觀之初奉勅於弘文館講授。遂采鄒徐二說兼記憶柳公音旨。遂作音義三十卷。音乃周脩。義則更略。惜哉古史微文。遂由數賢秘寶。故其學殆絕。前朝吏部侍郎許子儒亦作註義。不覩其書。崇文館學士張嘉會獨善此書。而無註義。貞少從張學。晚更研尋。初以殘缺處多。兼鄙褚少孫誣謬。因憤發而補史記。遂兼註之。然其功殆半。乃自唯曰千載古史良難紬繹。於是更撰音義。重作贊述。蓋欲以剖盤根之錯節。導北轅於司南也。凡為三十卷。號曰史記索隱云。

史記索隱後序終

補史記序

太史公古之良史也。家承二正之業，人當五百之運。兼以代為史官，親掌圖籍。慨春秋之絕筆，傷舊典之闕文。遂乃錯綜古今，囊括記錄。本皇王之遺事，採人臣之故實。爰自黃帝迄于漢武，歷載悠邈，舊章罕補。漁獵則窮於百氏，筆削乃成於一家。父作子述，其勤至矣。然其叙勸褒貶，頗稱折衷。後之作者，咸取則焉。夫以首創者難為功，因循者易為力。自左氏之後，未有體制。而司馬公補立紀傳規模，別為書表題目，莫不本紀十二、象、歲、星之一周、八書、有八篇、法天時之八節、十表、放剛柔十日。

三十世家。比月有三旬。七十列傳。取懸車之暮齒。百三十篇。象閏餘而成歲。其間禮樂刑政。君舉必書。福善禍淫。用垂炯誡。事廣而文局。詞質而理暢。斯亦盡美矣。而有未盡善者。具如後論。雖意出當時。而義非經遠。蓋先史之未備。成後學之深疑。借如本紀叙五帝而闕三皇。世家載列國而有外戚。邾許春秋次國。略而不書。張吳敵國。蕃王抑而不載。並編錄有闕。竊所未安。又列傳所著。有管晏及老子。韓非。管晏乃齊之賢卿。即如其例。則吳之延陵。鄭之子產。晉之叔向。衛之史魚。盛德不闕。何為蓋闕。伯陽清虛為教。韓子峻刻制法。靜躁不同。德刑斯舛。今宜柱史共漆園同傳。公子與商君並列。可不善歟。其中遠近乖張。詞義踳駁。或篇章倒錯。或贊論麤疎。蓋由遭逢非罪。有所未暇。故十篇有錄無書是也。然其網絡古今。叙述懲勸。異左氏之微婉。有南史之典實。所以楊雄班固等。咸稱其有良史之才。蓋信乎其然也。後褚少孫亦頗加補綴。然猶未能周備。貞業謝顛門人。非博古而家傳是學。頗事討論。思欲續成先志。潤色舊史。輒點陟陞降。改定篇目。其有不備。並採諸典籍。以補闕遺。其百三十篇之贊記。非周悉。並更申而述之。附于衆篇之末。雖曰狂簡。必有可觀。

其所改更。具條于後。至如徐廣唯略出音訓。無記異同。未能考覈。是非解釋文句。其裴駙實亦後進名家。博採羣書。專取經傳訓釋。以為集解。然則時有冗長。至於盤根錯節。殘缺紕繆。咸拱守而不言。斯未可謂通學也。今輒按今古。仍以裴為本。兼自見愚管。重為之註。號曰小司馬史記。然前朝顏師古止註漢史。今並謂之顏氏漢書。貞雖位不逮顏公。既補史舊。兼下新意。亦何讓焉。

補史記序終

史記正義序

諸王侍讀宣議郎守右清道率府長史張守節上  
史記者。漢太史公司馬遷作。遷生龍門。耕牧河山。之陽。南游江淮。講學齊魯。之郡。紹太史繼春秋。括文魯史。而包左氏國語。采世本戰國策。而摭楚漢春秋。貫細經傳。旁搜史子。上起軒轅。下既天漢。作十二本紀。帝王興廢。悉詳三十世家。君國存亡。畢著八書。贊陰陽禮樂。十表。定代系年。封七十列傳。忠臣孝子之誠。備矣。筆削冠於史籍。題目足以經邦。裴駙服其善序事理。辯而不華。質而不俚。其文直。其事核。不虛美。不隱惡。故謂之實錄。自

史記正義序終  
劉向楊雄皆稱良史之才。况墳典湮滅，簡策闕遺。比之春秋，言辭古質。方之兩漢，文省理幽。守節涉學三十餘年，六籍九流，地理蒼雅，銳心觀採，評史漢詮眾訓，釋而作正義，郡國城邑，委曲申明，古典幽微，竊探其美，索理允愜。次舊書之旨，兼音解注，引致傍通，凡成三十卷，名曰史記正義。發揮膏肓之辭，思濟滄溟之海，未敢侔諸秘府，冀訓詁而齊流，庶貽厥子孫。世疇茲史，于時歲次丙子，開元二十四年八月，殺青斯竟。

史記正義序終

史記正義論例諡法解

諸王侍讀宣議郎守右清道率府長史張守節上

論史例

古者帝王，右史記言，左史記事。言為尚書，事為春秋。太史公兼之，故名曰史記。并採六家雜說，以成一史。備論君臣父子，夫妻長幼之序。天地山川，國邑名號，殊俗物類之品也。太史公作史記，起黃帝高陽高辛，唐堯虞舜夏殷周秦，記于漢武帝天漢四年，合二千四百一十三年。作本紀十二，象歲十二月也。作表十，象天之剛柔十日。以記封建世代終始也。作書八，象一歲八節。以記天

地日月山川禮樂也。作世家三十象一月三十日三十  
輻共一轂以記世祿之家。輔弼股肱之臣忠孝得失也。  
作列傳七十象一行七十二日言七十者舉全數也。餘  
二日象閏餘也。以記王侯將相英賢略立功名於天下  
可序列也。合百三十篇象一歲十二月及閏餘也。而太  
史公作此五品廢一不可以統理天地勸獎箴誡為後  
之楷模也。

### 論注例

史記文與古文尚書同者則取孔安國注。若與伏生尚  
書同者則用鄭元王肅馬融所釋。與三傳同者取杜元  
凱服虔何休賈逵范甯等注。與三禮論語孝經同者則  
取鄭元馬融王肅之注。與韓詩同者則取毛傳鄭箋等  
釋。與周易同者則依王氏之注。與諸子諸史雜書及先  
儒解釋善者而裴駙並引為注。又徐中散作音訓校集  
諸本異同或義理可通者稱一本云。又一本云自是別  
記異文裴氏亦引之為注也。

### 論字例

史漢文字相承已久。若悅字作說。閑字作閒。智字作知。  
汝字作女。早字作蚤。後字作后。既字作漑。勅字作飭。制  
字作制。此之般流。緣古少字通共用之。史漢本有此古

字者乃為好本。程邈變篆為隸，楷則有常。後代作文，隨時改易。衛宏官書數體，呂忱或字多奇。鍾王等家以能為法，致令楷文改變，非復一端。咸著秘書，傳之歷代。又字體乖日，以其黼黻之字，法從黼。丁履反今之史本，則有從端。音端秦本紀云：天子賜孝公黼黻。鄒誕生音甫弗而鄒氏之前，史本已從端矣。如此之類，並即依行，不可更改。若其龜鼉從龜，辭從舌，覺學從與，泰恭從小，匱匠從走，巢藻從果，耕籍從禾，席下為帶，美下為大，裒下為衣，極下為點，析傍著片，惡上安西，餐側出頭，離邊作禹，此之等類，例直是訛。字寵。勅勇反字為錫。音陽以支。章侈反代文。問分反將无混無，若茲之流，便成兩失。

論音例

史文與傳諸書同者，劉氏並依舊本為音。至如太史公改五帝本紀，便章百姓，便程東作，便程南譎，便程西成，便在伏物，咸依見字讀之。太史變尚書文者，義理特美，或訓意改其古澀，何煩如劉氏。依尚書舊音，斯例蓋多，不可具錄。著在正義，隨文音之。君子宜詳其理。庶明太史公之達學也。然則先儒音字，比方為音。至魏秘書孫炎始作反音，又未甚切。今並依孫反音，以傳後學。鄭康成云：其始書之也，倉卒無字，或以音類比方，假借為之。

趣於近之而已受之者非一邦之人其鄉同言異字同音異於茲遂生輕重訛謬矣然方言差別固自不同河  
 北江南最為鉅異或失在浮清或帶於重濁今之取捨  
 冀除茲弊夫質有精麤謂之好惡字並如心有愛憎稱為  
 好惡並去聲當體則為名譽音預情乖則曰毀譽音餘自壞乎  
 反壞徹上音怪自斷徒緩反音自刀斷端管反音以耶也奢反未  
 審之也亦且反助復音伏又扶過吉臥反解核買反間  
 辭也句之語也復富反重也先蘓前仙反肩然尤羽求侯溝  
 紀覽反畜許又畜許六反養也先蘓前仙反肩然尤羽求侯溝  
 反治持並音直之止而反脂砥祇並音旨反惟維遺唯並音佳  
 反怡貽頤詒並音與夷寅彘姨並音以反私息脂綏雖睢

按巨支反巨係郡母  
 偃絲等係心母恐訛

反巨支 遺反 息 偃司伺絲並音巨反 厄枝祇肢並音章反 祇岐並音  
 其期旗基蹠並音渠反 祈頌旂幾幾並音渠反 僖熙嬉  
 喜並音許 希晞希並音虛反 霏妃菲駢並音芳反 飛非靡  
 並音匪 尸屍著並音式反 詩書之 巾居人 斤筋舉欣 篇便  
 並音芳 穿詳連反 里李裏並音良反 至贄並音脂反 志之吏反 利泣  
 並力反 吏力置反 寺嗣飼並音辭反 字牒並音疾反 自疾二 置致躓鷲  
 並陟反 器去冀反 氣去既反 亟去吏反 冀概几利反 既居未反 覆敷救反  
 敷福副敷救反 富鏡副並音府反 若斯清濁實亦難分博學碩材  
 乃有甄異此例極廣不可具言庶後學幸留意焉

音字例

史已書



文或相似音或有異一字單錄乃恐致疑兩字連文檢尋稍易若音上字言上別之所音下字乃復書下有長句在文中須音則題其字

發字例

古書字少假借蓋多字或數音觀義點發皆依平上去入若發平聲每從寅起又一字三四音者同聲異喚一處共發恐難辨別故畧舉四十二字如字初音者皆為正字不須點發

畜 許六反養也又許救反從六畜也又從他六反聚也從反相勸也又從用反侍數反次第也又色角反頻也

傳 逐總反書傳也又逐全反相付也又張戀反驛也

辨 故發之也辟邪也又足也又足也又足也又足也

施 書移反張也又足也又足也又足也又足也

射 蛇夜反射也又羊鼓反也又胡延也又馬反高號也又胡延也又馬反高號也

復 符富反重也又音伏也又音伏也又音伏也又音伏也

也 之也又丁歷反大也又也又也又也又也又也又也

張 革反責也又音敵當也又也又也又也又也又也

在 定陶高帝即位處也又也又也又也又也又也

音 夷楚人呼土為泥橋也又也又也又也又也又也

也 覆敷富反蓋也又也又也又也又也又也又也

謂 於何也斷自相分也又也又也又也又也又也又也

也 又核買反散也又佳債幾又音機庶幾也又音祈近也

史記正義

五

沈禁之沈恐是直  
字之訛

紀錄過音臥反度也罪過也又率所律反平例也率伏也徐廣云率即斂也又度前也又率反曲也又音類也又音刷也音色類反將帥也又王屈也又羣勿反盡也強也反姓上讓反位也元在物之上上王放反霸王主也又于長直良反又時掌反自下而上籍也又薦籍也盛也于反補也又反長上也籍也又祖夜反即借也又薦籍也又音息反反反反勝音升反又難乃丹反艱也使所更反又棺音官又古惠反欽之針甚反又針禁反厭沒也任入禁反又棺音官又古惠反欽之今反又沈禁反厭沒也任入禁反又棺音官又古惠反欽之也造曹早反七妻切帝反費邑非味反又扶味反姓也

諡法解

惟周公旦太公望開嗣王業建功于牧野終將葬乃制諡遂叙諡法諡者行之迹號者功之表車服者位之章也是以大行受大名細行受細名行出於己名生於人

名諡

民無能名曰神不善  
靖民則法曰皇靖安  
德象天地曰帝同於天帝  
仁義所往曰王歸之往  
立志及眾曰公志無私也  
執應八方曰侯所執行  
賞慶刑威曰君能行者  
從之成羣曰君民從之  
  
一德不懈曰簡一不委曲  
平易不訾曰簡訾毀不信  
尊賢貴義曰恭尊事賢人寵貴義士  
敬事供上曰恭供奉也  
尊賢敬讓曰恭敬有德讓有功  
既過能改曰恭言自知  
執事堅固曰恭守正不移  
愛民長弟曰恭順長接弟

已見上卷

揚善賦簡曰聖所稱得人所得善

執禮御賓曰恭得實所賦得簡敬賓厚禮曰聖厚於禮

比親之闕曰恭修德以益之照臨四方曰明以明照之

尊賢讓善曰恭不專己善推於人諧詐不行曰明逆知之

威儀悉備曰欽威則可象儀則可畏經緯天地曰文成其道

大慮靜民曰定思樹惠道德博聞曰文無不

純行不爽曰定行一不傷學勤好問曰文不耻下問

安民大慮曰定以慮安民慈惠愛民曰文惠以成政

安民法古曰定不舊意賜民爵位曰文與同

辟地有德曰襄取之義綏柔士民曰德安士以居

甲冑有勞曰襄伐征小心畏忌曰僖思所當忌

剛彊直理曰武剛無欲諫爭不威曰德不以威拒諫

質淵受諫曰釐深故能愛威彊敵德曰武與有德者敵

有罰而還曰釐知難而退克定禍亂曰武以兵往

溫柔賢善曰懿性純淑刑民克服曰武法以正民

心能制義曰度制事得宜夸志多窮曰武大志行兵

聰明叡哲曰敷有通聰安民立政曰成安政以

知質有聖曰獻有所通淵源流通曰康性無

五宗安之曰考五世之宗淵源流通曰康性無

慈惠愛親曰孝周愛族親

秉德不回曰孝順於德而不違

協時肇厚曰孝協始肇

執心克莊曰齊嚴能自

資輔就共曰齊資輔佐而共成

甄心動懼曰頃精甄

敏以敬慎曰頃疾於所慎敬

柔德安眾曰靖使安眾

恭己鮮言曰靖恭己正身少言而中

寬樂令終曰靖性寬樂義以善自終

威德剛武曰匡德亂

彌年壽考曰胡也

保民耆艾曰胡六十曰耆七十曰艾

布義行剛曰景以剛行義

清白守節曰貞行清白執志固

大慮克就曰貞能大慮非正而何

不隱無屈曰貞怕然無私

辟土服遠曰桓以武正定

克敬動民曰桓敬之以

辟土兼國曰桓兼人故啓土

溫柔好樂曰康好豐年勤民事

安樂撫民曰康無四方之虞

合民安樂曰康富而教之

布德執義曰穆穆故穆

中情見貌曰穆性公露

容儀恭美曰昭有儀可象行恭可美

昭德有勞曰昭能勞謹

聖聞周達曰昭聖聖通合

治而無眚曰平無災罪也

寬樂令終曰平不任

耆意大慮曰景耆強也

追補前過曰剛勤善以補過

猛以剛果曰威果則少寬

猛以彊果曰威彊甚於剛

彊義執正曰威問正言無邪

治典不殺曰祁秉常不衰

大慮行節曰孝言成其節

治民克盡曰使克盡無恩惠

能思辯眾曰元別之使各有次

行義說民曰元其義

始建國都曰元非善之長何以使之

主義行德曰元以義為主

聖善周聞曰宣聞謂所聞善事也

兵甲亟作曰莊以數征為嚴

敵圍克服曰莊通邊國使能服

勝敵志強曰莊不燒故勝

死於原野曰莊非嚴何難以死難

屢征殺伐曰莊以嚴釐之

武而不遂曰莊武功不成

柔質慈民曰惠知其性

愛民好與曰惠與謂施與

夙夜警戒曰敬敬身急戒

秉德尊業曰烈

剛克為伐曰翼伐功也

思慮深遠曰翼小心翼翼

外內貞服曰白正而復始終一

不勤成名曰靈任本性不見賢思齊

死而志成曰靈志不虧命

好和不爭曰安生而少斷

道德純一曰思道大而德一

大省兆民曰思大親民而不殺

外內思索曰思言求善

追悔前過曰思思而改

行見中外曰愨表裡

狀古述今曰譽立言稱

昭功寧民曰商明有功者

克殺秉政曰夷秉政不任賢

安心好靜曰夷政不爽

執義揚善曰德稱人之善

慈仁短折曰懷短未六十折未三十

述義不克曰丁不能成義

有功安民曰烈以武功立功

合善典法曰敬非敬何以善之

剛德克就曰肅成其敬使為終

執心決斷曰肅言嚴果

不生其國曰聲生於外家

未家短折曰傷未娶未家

愛民好治曰戴好治民

死見神能曰靈有鬼不為厲

典禮不愆曰戴過無

亂而不損曰靈治損亂以

短折不成曰殤有知而

好祭鬼怪曰靈瀆鬼神不致遠

隱拂不成曰隱改其性括

極知鬼神曰靈其智能聰徹

不顯尸國曰隱以閭主國

見美堅長曰隱美過其令

殺戮無辜曰厲

官人應實曰知能官人

愆恨遂過曰刺去諫曰愆反是曰恨

肆行勞祀曰悼放心勞於滌祀言不脩德

年中早夭曰悼年不稱志

不思忘愛曰刺忘其愛已者

恐懼從處曰悼從處言險地

蚤孤短折曰哀早未知人事

凶年無穀曰荒不務耕稼

恭仁短折曰哀體恭質仁功未施

好變動民曰躁徒數移

外內從亂曰荒家不治官不治

不悔前過曰戾不知而改

好樂怠政曰荒淫於聲樂怠於政事

怙威肆行曰醜肆意行威

在國遭憂曰愍仍多大喪

壅遏不通曰幽弱損不凌

在國逢難曰愍兵寇之事

蚤孤鋪位曰幽鋪位即位而卒

禍亂方作曰愍國無政動長亂

動祭亂常曰幽易神班

使民悲傷曰愍苛政賊害

柔質愛諫曰慧以虛受人

貞心大度曰匡心正而用察少

名實不爽曰質不爽言相應

德正應和曰莫正其德應其和

溫良好樂曰良言其人可好可樂

施勤無私曰類無私唯義所在

慈和徧服曰順能使人皆服其慈和

思慮果遠曰明自任多近於專

博聞多能曰憲雖多能不至於大道 畜於賜與曰愛言貪

滿志多窮曰惑自足者必不惑 危身奉上曰忠險不辭難

思慮不爽曰厚不差所 克威捷行曰魏敏有威而

好內遠禮曰煬朋淫於家 克威惠禮曰魏雖威不

去禮遠眾曰煬不率禮 教誨不倦曰長以道

內外賓服曰正服以正 肇敏行成曰直始疾行成

彰義揜過曰堅明義以 疏遠繼位曰紹非其弟

華言無實曰夸誕恢 好廉自克曰節自勝其

逆天虐民曰抗背尊大 好更改舊曰易變故

名與實爽曰繆言名美 愛民在刑曰克道之以法

擇善而從曰比比方善 除殘去虐曰湯

隱哀也景武也施德為文除惡為武辟地為襄服遠為

桓剛克為僖施而不成為宣惠無內德為平亂而不損

為靈由義而濟為景餘皆象也和會也勤勞也尊脩也

爽傷也肇始也怙恃也享祀也胡大也秉順也就會也

錫與也曲常也肆放也康虛也睿聖也惠愛也綏安也

堅長也耆彊也考成也周至也懷思也武法也布施也

敏疾也速也載事彌文以前周書諡法周代君王並取

列國分野

列國分野

○漢書地理志云本秦京師為內史

顏師古云京師天子所居畿內也秦

并天下改立郡縣而京畿所統時號內史言其在內以

別於諸郡守也百官表云內史周官秦因之掌治京師

景帝二年分置左內史右內史武帝太初元年更名京

兆尹左內史名馮翊主爵中尉秦官掌列侯景帝六年

更名都尉武帝太初元年更名右扶風

治內史與左馮翊京兆尹是為三輔也

秦地於天官東井輿鬼之分壘其界自弘農故關以西

京兆扶風馮翊北地上郡西河安定天水隴西南有巴

蜀廣漢犍為武都西有金城武威張掖酒泉敦煌又西

南有牂牁越雋益州

魏地背觶參之分壘其界自高陵以東盡河東河內南

有陳留及汝南之召陵滎彊新汲西華長平潁川之舞

陽鄆陵河南之開封中牟陽武酸棗卷卷去權反

周地柳七星張之分壘今之河南洛陽穀城平陰偃師

鞏緱氏

韓地角亢氐之分壘韓分晉得南陽郡及潁川之父城

定陵襄城潁陽潁陰長社陽翟郟東接汝南西接弘農

得新安宜陽鄭今河南之新鄭及成臯滎陽潁川之崇

高城陽

趙地昂畢之分壘趙分晉得趙國北有信都真定常山

又得涿郡之高陽莫州鄉東有廣平鉅鹿清河河閒又

得渤海郡之東平舒中邑文安東州成平章武河以北



也南至浮水繁陽內黃斥邱西有大原定襄雲中五原  
上黨

燕地尾箕之分壑召公封於燕後三十六世與六國俱  
稱王東有漁陽右北平遼西遼東西有上谷代郡鴈門  
南有涿郡之易容城范陽北有新成故安涿縣良鄉新  
昌及渤海之安次樂浪玄菟亦宜屬焉

齊地虛危之分壑東有菑川東萊瑯耶高密膠東南有  
泰山城陽北有千乘清河以南渤海之高樂高城重合  
陽信西有濟南平原

魯地奎婁之分壑東至東海南有泗水至淮得臨淮之  
下相睢陵僮取慮

宋地房心之分壑今之沛梁楚山陽濟陰東平及東郡  
之須昌壽張今之睢陽

衛地營室東壁之分壑今之東郡及魏郡之黎陽河內  
之野王朝歌

楚地翼軫之分壑今之南郡江夏零陵桂陽武陵長沙  
及漢中汝南郡後陳魯屬焉

吳地斗牛之分壑今之會稽九江丹陽豫章廬江廣陵  
六安臨淮郡

粵地牽牛婺女之分壑今蒼梧鬱林合浦交趾九真南

海日南

以前是戰國時諸國界域及相侵伐犬牙深入然亦不能委細故畧記之用知大略

史記目錄

漢太史令龍門司馬遷著

本紀一十二卷

第一卷

黃帝

帝堯

第二卷

夏

第三卷

殷

史記一

帝顓頊

帝嚳

帝舜

史記二

史記三

史記目錄

第四卷 史記四

周

第五卷 史記五

秦

第六卷 史記六

秦始皇帝 二世皇帝

第七卷 史記七

西楚 項羽

第八卷 史記八

漢高祖

第九卷 史記九

呂太后

第十卷 史記十

孝文帝

第十一卷 史記十一

孝景帝 缺 褚少孫補

第十二卷 史記十二

孝武帝 缺 褚少孫取封禪書補

年表十卷

第一卷 史記十三

三代世表

第二卷

史記十四

十二諸侯年表

第三卷

史記十五

六國年表

第四卷

史記十六

秦楚之際月表

第五卷

史記十七

漢興以來諸侯年表

第六卷

史記十八

高祖功臣侯年表

第七卷

史記十九

惠景間侯者年表

第八卷

史記二十

建元以來侯者年表

第九卷

史記二十一

建元以來王子侯者年表

第十卷

史記二十二

漢興以來將相名臣年表

缺褚補

八書八卷

第一卷

禮書缺  
荀子禮論補

史記二十三

第二卷

樂書缺  
樂記補

史記二十四

第三卷

律書

史記二十五

第四卷

歷書

史記二十六

第五卷

天官書

史記二十七

第六卷

封禪書

史記二十八

第七卷

河渠書

史記二十九

第八卷

平準書

史記三十

世家三十卷

第一卷

吳太伯

史記三十一

第二卷

史記三十二

齊太公

第三卷

史記三十三

魯周公

第四卷

史記三十四

燕召公

第五卷

史記三十五

管蔡

曹

第六卷

史記三十六

陳杞

第七卷

史記三十七

衛康叔

第八卷

史記三十八

宋微子

第九卷

史記三十九

晉

第十卷

史記四十

楚

第十一卷

史記四十一

越王句踐 范蠡

第十二卷

史記四十二

鄭

第十三卷

史記四十三

趙

第十四卷

史記四十四

魏

第十五卷

史記四十五

韓

第十六卷

史記四十六

田敬仲完

第十七卷

史記四十七

孔子

第十八卷

史記四十八

陳涉

第十九卷

史記四十九

外戚

第二十卷

史記五十

楚元王

第二十一卷

史記五十一

荆燕

第二十二卷

史記五十二

史記目錄

齊悼惠王

第二十三卷

史記五十三

蕭相國

第二十四卷

史記五十四

曹相國

第二十五卷

史記五十五

留侯

第二十六卷

史記五十六

陳丞相

第二十七卷

史記五十七

絳侯

第二十八卷

史語五十八

梁孝王

第二十九卷

史記五十九

五宗

第三十卷

史記六十

三王

列傳七十卷

第一卷

史記六十一

伯夷

史記目錄



第二卷

管仲

晏子

史記六十二

第三卷

老子

莊子

史記六十三

韓非

申不害

第四卷

司馬穰苴

史記六十四

第五卷

孫武

吳起

史記六十五

第六卷

伍子胥

史記六十六

第七卷

仲尼弟子

史記六十七

第八卷

商君鞅

史記六十八

第九卷

蘇秦弟代 厲

史記六十九

第十卷

張儀

史記七十

陳軫

公孫衍

第十一卷

史記七十一

史記目錄

樗里子

甘茂 孫羅

第十二卷

史記七十二

穰侯

第十三卷

史記七十三

白起

王翦

第十四卷

史記七十四

孟軻

駟衍

淳于髡

慎到

駟奭

荀卿

第十五卷

史記七十五

孟嘗君

第十六卷

史記七十六

平原君

虞卿

第十七卷

史記七十七

信陵君

第十八卷

史記七十八

春申君

第十九卷

史記七十九

范雎

蔡澤

第二十卷

史記八十

樂毅

史記目錄

史記目錄

第二十一卷

廉頗

李牧

第二十二卷

田單

第二十三卷

魯仲連

第二十四卷

屈原

第二十五卷

呂不韋

第二十六卷 刺客

曹沫

聶政

第二十七卷

李斯

第二十八卷

蒙恬

第二十九卷

張耳

九

史記八十一

藺相如

史記八十二

史記八十三

鄒陽

史記八十四

史記八十五

賈誼

史記八十六

專諸

豫讓

史記八十七

荊軻

史記八十八

史記八十九

陳餘

史記目錄

十

第三十卷

魏豹

彭越

史記九十

第三十一卷

黥布

史記九十一

第三十二卷

淮陰侯韓信

史記九十二

第三十三卷

韓王信

盧綰

陳豨

史記九十三

第三十四卷

田儋 從弟榮

榮弟橫

史記九十四

第三十五卷

樊噲

酈商

夏侯嬰

史記九十五

第三十六卷

張蒼

周昌 從兄奇

趙堯

史記九十六

任敖

申屠嘉

韋賢以下續  
魏相

第三十七卷

丙吉  
黃霸

匡衡

史記九十七

酈食其

陸賈

朱建

第三十八卷

史記九十八

傅寬 以下補

靳歙

周緡

第三十九卷

史記九十九

劉敬

叔孫通

第四十卷

史記一百

季布

欒布

第四十一卷

史記一百一

袁盎

龜錯

第四十二卷

史記一百二

張釋之

馮唐

第四十三卷

史記一百三

石奮 子建

慶

衛綰

直不疑

周文

張叔

第四十四卷

史記一百四

田叔 子仁

任安 續

第四十五卷

史記一百五

扁鵲

倉公

第四十六卷

史記一百六

吳王濞

第四十七卷

史記一百七

竇嬰

田蚡

灌夫

第四十八卷

史記一百八

韓安國

第四十九卷

史記一百九

李廣孫陵

第五十卷

史記百一十

匈奴

第五十一卷

史記百一十一

衛青

公孫敖

李沮

李蔡

曹襄

路博德  
趙破奴

第五十二卷

史記百一十二

公孫弘

主父偃

徐樂  
嚴安

第五十三卷

史記百一十三

南越尉佗

第五十四卷

史記百一十四

東越

第五十五卷

史記百一十五

朝鮮

第五十六卷

史記百一十六

西南夷

第五十七卷

史記百一十七

司馬相如

第五十八卷

史記百一十八

淮南厲王

淮南王安

衡山王

第五十九卷

史記百一十九

循吏

孫叔敖

子產

公儀休

石奢

李離

第六十卷

史記百二十

汲黯

鄭當時

第六十一卷

史記百二十一

儒林

申公

韓生

伏勝

胡毋生

第六十二卷

史記百二十二

酷吏

郅都

寧成

周陽由

趙禹

張湯

義縱

王溫舒

尹齊

楊僕

減宣

杜周

第六十三卷

史記百二十三

大宛

烏孫  
大月氏

康居  
安息

奄蔡

史記目錄

第六十四卷 游侠

史記百二十四

朱家 劇孟

郭解

第六十五卷 佞幸

史記百二十五

鄧通 韓嫣

李延年

第六十六卷 滑稽

史記百二十六

淳于髡 優孟

優旃

東方朔以下續  
東郭先生 王先生  
西門豹

第六十七卷 日者

史記百二十七

司馬季主

第六十八卷

史記百二十八

龜策補

第六十九卷 貨殖

史記百二十九

范蠡 計然

子貢

白圭 猗頓

烏氏

卓氏 程鄭

宛孔氏

師史 任氏

第七十卷

太史公自序

史記百三十

史記目錄終

史記目錄

十五



史記卷之三

三皇本紀

唐國子博士弘文學士河內司馬貞補撰并註

太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝以下故因以五帝本紀為首其實三皇已還載籍罕備然君臣之始教化之先既論古又不合全闕近代皇有謚作帝王代紀徐整作三五歷皆論三皇已來事斯亦近古之一證今並採而集之作三皇本紀雖復淺近聊補闕云

太皞庖犧氏風姓代燧人氏繼天而王母曰華正有履大人迹於雷澤而生庖犧於成紀蛇身人首按雷澤澤名即舜所漁之地在濟陰成紀亦地名按天水有成紀縣有聖德仰則觀象於天俯則觀法於地旁觀鳥獸之文與地之宜近取諸身遠取諸物始畫八卦以通神明之德以類萬物之情造書契以代結繩之政於是始制嫁娶以

三皇本紀

儂皮為禮儂偶也結網罟以教佃漁故曰宓犧氏宓音伏養犧牲

以庖廚故曰庖犧有龍瑞以龍紀官號曰龍師作三十五絃

之瑟木德王注春令故易稱帝出乎震月令孟春其帝太皞

是也按位在東方象日之明故稱太皞皞明也都於陳東封太山立一十一年崩

按皇甫謐伏犧葬南郡或曰冢在山陽高平西○按通鑑前編諸史會編皆作一百一十五年疑刊者誤其後裔

當春秋時有任宿須句顓臾皆風姓之胤也女媧氏亦風姓

蛇身人首有神聖之德代宓犧氏立號曰女希氏無革造惟

作笙簧故易不載不承五運一曰女媧亦木德王蓋宓犧之

後已經數世金木輪環周而復始特舉女媧以其功高而克

三皇故頻木王也當其末年也諸侯有共工氏任智刑以強

霸而不王以水乘木乃與祝融戰不勝而怒乃頭觸不周山

崩天柱折地維缺女媧迺鍊五色石以補天斷鼇足以立四

極聚蘆灰以止滔水以濟冀州於是地平天成不改舊物女

媧氏沒神農氏作按三皇記者不同譙周以燧人為皇宋均以祝融為皇而鄭玄依春秋緯以女媧為皇承

伏犧皇甫謐亦同今依之為說也○按古史司馬遷紀五帝首黃帝遺犧農而黜少昊以為帝王皆出於黃帝蓋紀其世非紀其事也然黃帝本神農之後少昊之子神農豈非五帝世耶

蓋黃帝高陽高辛子孫代有天下而少昊之後不傳周禮六樂無少昊之樂易叙古帝王亦不道也炎帝神農氏姜姓

遷由是黜而不叙後世多以遷為非者

母曰女登有媧氏之女為少典妃感神龍而生炎帝人身牛

首長於姜水因以為姓按國語炎帝黃帝皆少典之子其母又皆有媧氏之女據諸子及古史考

炎帝之後凡八代五百餘年軒轅氏代之豈炎帝黃帝是昆而同母氏乎皇甫謐以為少典有媧代諸侯國然則姜姬二

帝同出少典氏。黃帝之母。又是神農母。火德王。故曰炎帝。以氏之後代女。所以同是有媯氏之女也。

火名官。斲木為耜。揉木為耒。耨耨之用。以教萬人。始教耕。

故號神農氏。於是作蜡祭。以楮。鞭。鞭草木。始嘗百草。始有

醫藥。又作五絃之瑟。教人。口中為市。交易而退。各得其所。

遂重八卦為六十四卦。初都陳。後居曲阜。按今淮陽有神農井。又左傳魯

有大庭氏之庫是也。立一百二十年。崩。葬長沙。神農本起烈山。故左

氏。稱烈山氏之子曰柱。亦曰厲山氏。禮曰厲山氏之有天

下是也。按鄭玄云。厲山。神農所起。亦曰有烈山。皇甫謐曰。屬山。今隨之屬鄉也。括地志曰。在隨州隨縣北

百里。按正義。神農氏。又曰魁。神農納奔水氏之女曰聽。隗氏。又曰連山氏。又曰列山氏。神農納奔水氏之女曰聽

諡為妃。生帝哀。哀生帝克。克生帝榆。凡八代。五百三

### 十年而軒轅氏興焉

按神農之後。凡八代。事見帝王代。及古史考。然古典亡矣。祝誰望二代。皆前代。子考。按古書。而為此說。豈至今鑿空乎。此紀亦據以為說。其易稱神農氏沒。即榆罔。榆罔。猶襲神農之號也。

其後有州南

甘許戲露齊紀。怡向申呂。皆姜姓之後。並為諸侯。或

分四岳。當周室甫侯。申伯為王賢相。齊許列為諸侯。

霸於中國。蓋聖人德澤廣大。故其祚胤繁昌。又長云。

一說三皇謂天皇地皇人皇。為三皇。既是開闢之初。

君臣之始。圖緯所載。不可全弃。故兼序之。天地初立有

天皇氏十二頭。澹泊無所施為。而俗自化。木德王歲

起攝提。兄弟十二人。立各一萬八千歲。蓋天地初立。神人

世長久也。然言十二頭者。非謂一人之身。有十二頭。蓋古質比之鳥獸頭數故也。地皇十一頭。火德王姓

十一人興於熊耳龍門等山亦各萬八千歲人皇九頭

乘雲車駕六羽出谷口兄弟九人分長九州各立城

邑凡一百五十世合四萬五千六百年天皇已下皆出河圖及三五曆也自

人皇已後有五龍氏五龍氏兄弟五人並乘龍上下故曰五龍氏也燧人氏按其君燧人熟食在伏羲氏前譙周以為三皇之首也

大庭氏柏皇氏中央氏卷須氏栗陸

氏驪連氏赫胥氏尊盧氏渾沌氏昊英氏有巢氏朱

襄氏葛天氏陰康氏無懷氏斯蓋三皇已來有天下

者之號按皇甫謐以為大庭已下一十五君皆襲商犧之號事不經見難可依從然按古封太山者首有無懷氏乃在太昊之前

豈得如謠所說但載籍不紀莫知姓王年代所都之處而韓詩以

為自古封太山禪梁甫者萬有餘家仲尼觀之不能盡

識管子亦曰古封太山七十二家夷吾所識十有二焉首

有無懷氏然則無懷之前天皇已後年紀悠邈皇王何

昇而告但古書亡矣不可備論豈得謂無帝王耶故春

秋緯稱自開闢至於獲麟凡三百二十七萬六千歲分

為十紀凡世十萬六百年一曰九頭紀二曰五龍紀三曰

攝提紀四曰合雒紀五曰連通紀六曰序命紀七曰脩飛

紀八曰回提紀九曰禪通紀十曰流訖紀蓋流訖當黃帝

時制九紀之間是以錄於此補紀之也

三皇本紀

史記補

五帝本紀第一

史記一

漢 太史令 龍門司馬遷 撰

宋中郎外兵參軍 河東裴駰集解

唐國子博士弘文學士 河內司馬貞索隱

唐諸王侍讀率府長史張守節正義

裴駰曰凡是徐氏義稱徐姓名以別之。餘者悉是駰註解并集眾家義。○司馬貞索隱曰紀者記也。本其事而記之。故曰本紀。又紀理也。絲縷有紀。而帝王書稱紀者。言為後代綱紀也。○正義曰鄭玄注中候勅省圖云。德合五帝坐星者稱帝。又坤靈圖云。德配天地。在正不在私。曰帝。按太史公依世本大戴禮。以黃帝顓頊帝嚳唐堯虞舜為五帝。譙周應劭宋均皆同。而孔安國尚書序。皇甫謐帝王世紀。孫氏注世本。並以伏羲神農黃帝為三皇。少昊顓頊高辛唐虞為五帝。裴駰之史目云。天子稱本紀。諸侯曰世家。本者繫其本系。故曰本紀者。理也。統理眾事繫之年月。名之曰紀。第者次序之目。一者

萬曆二十四年刊

舉數之由故  
日本紀第一

黃帝者

徐廣曰號有熊。索隱曰按有土德之瑞土色黃故稱黃帝。猶神農火德王而稱炎帝然也。此以黃帝為五帝之首。蓋大戴禮五帝德又譙周宋均亦以為然。而孔安國皇甫謐帝王世紀及孫氏註系本並以伏羲神農黃帝為三皇。少昊高陽高辛唐虞為五帝。註號有熊者以其本是有熊國君之子故也。都軒轅之丘因以為名。又以為號。又據左傳亦號帝鴻氏。正義曰按黃帝母曰附寶之祁野見大電繞北斗樞星感而懷孕。二十四月而生黃帝於壽丘。壽丘在魯東門之北。今在兗州曲阜縣東北六里。生日角龍顏有景雲之瑞。以土德王。故曰黃帝。封泰

山禪亭。亭在牟陰。少典之子。又按國語云少典娶有嬌氏女而生炎帝。然則炎帝亦少典之子。炎黃二帝雖則承帝王代紀中間凡隔八帝。五百餘年。若以少典是其父名。豈黃帝經五百餘年而始代炎帝後為天子乎。何其年之長也。又按秦本紀云顓頊氏之裔孫曰女修吞玄鳥之卵而生大業。大業娶少典氏而生柏翳。明少典是國號非人名也。黃帝即少典氏後代之子孫。賈逵亦以左傳高陽氏有才子八人。亦謂其後代子孫而稱為子是也。譙周字允南蜀人魏散騎常侍徵不拜。此註所引者是其所著古史考之說也。皇甫謐字士安。晉人號玄晏先生。今所引者是其所作帝王世紀也。姓公孫名曰

軒轅。索隱曰按皇甫謐云黃帝生於壽丘。長於姬水。因以為姓。居軒轅之丘。因以為名。又以為號。是本姓公孫。長居姬水。因改姬姓。生而神靈弱而能言。索隱曰弱謂幼弱時也。蓋未合能言之時。而其子未七旬曰弱。幼而徇齊。徐廣曰墨子曰年踰十五則聰明心慮無不徇。索隱曰斯文未明。今按徇齊皆德也。書曰聰明齊聖。左傳曰子雖齊聖。其子未七旬曰弱。幼而徇齊。通矣。駟案徇疾齊速也。言聖德幼而疾速也。○齊謂聖德齊肅。又按孔子家語及大戴禮並作獻齊。一本作慧齊。獻慧皆智也。大史公採大戴禮而為此紀。今彼文無作徇者。史記舊本亦有作濬齊。蓋古字假借。徇為濬濬深也。義亦並通。爾雅齊速俱訓為疾。尚書大傳曰多聞而齊給。鄭註云齊疾也。今裴氏註云徇亦訓疾。未見所出。或當讀徇為迅。迅於尔雅與齊俱訓疾。則迅濬雖異字而音同也。又爾雅曰宣徇。徇也。睿通也。是徇之與通義亦相近。言黃帝幼而才智周備。且辯給也。長而敦敏。成而聰明。正義曰成謂年二十冠成人也。聰明聞見明辯也。此以上至軒轅皆大戴禮文。軒轅之時神農氏世衰。索隱曰世衰謂神農氏後代子孫道德衰薄。非指炎帝之身。即班固所謂參盧皇甫謐所云帝榆罔是也。○正義曰帝王世紀云神農氏姜姓也。母曰任姒。有嬌氏女登為少典妃。遊華陽有神龍首感生炎帝。人身牛首。長於姜水。有聖德。以火德王。故號炎帝。初都陳。又徙魯。又曰魁隗氏。又曰連

萬曆二十四年刊  
五帝本紀  
二

山氏又曰列山氏括地志云厲山在隨州隨縣北百里山東諸侯相

有石穴曰神農生於厲鄉所謂列山氏也春秋時為厲國

侵伐暴虐百姓而神農氏弗能征於是軒轅乃習用干戈

巨征不享索隱曰謂用于戈以征諸侯之不朝享者一本或作亭亭訓直以征諸侯之不直者諸侯咸來賓

從而蚩尤最為暴莫能伐應劭曰蚩尤古天子贊曰孔子三朝

此紀云諸侯相侵伐蚩尤最為暴則蚩尤非為天子也又管子曰蚩尤受廬山之金而作五兵明非庶人蓋諸侯號也劉向別錄云孔子見魯

哀公問政比三朝退而為此記故曰三朝凡七篇並入大戴禮今此文見用兵篇也○正義曰龍魚河圖云黃帝攝政有蚩尤兄弟八十一人

並獸身人語銅鐵額食沙造五兵仗刀戟大弩威振天下誅殺無道萬民欽命黃帝行天子事黃帝以仁義不能禁止蚩尤乃仰天而歎天遣

玄女下授黃帝兵符伏蚩尤後天下復擾亂黃帝遂畫蚩尤形像以威天下咸謂蚩尤不死八方皆為殄滅山海經云黃帝令應龍攻蚩尤蚩

尤請風伯雨師以從大風雨黃帝乃下天女曰魃以止雨雨止遂殺蚩尤孔安國曰九黎君號蚩尤是也炎帝欲侵陵

諸侯諸侯咸歸軒轅軒轅乃修德振兵治五氣王肅曰正行之氣

藝五種藝樹也詩云藝之蒼敷周禮曰穀宜五種鄭玄曰五種黍稷菽麥稻也○索隱曰藝音莖藝種也樹也五種即五穀也

朱用反此註所引見詩大雅生民之篇爾雅云桂菽戎也郭璞曰今之胡豆鄭氏曰豆之大者是也撫萬民度四方正

曰度音徒洛反教熊羆貔貅羆虎索隱曰書云如虎如貔爾雅云貔白狐禮曰前有擊獸則載貔貅是也爾雅又

曰羆似狸此六者猛獸可以教戰周禮有服不氏掌教擾猛獸即古服牛乘馬亦其類也以與炎帝戰於阪

泉之野服虔曰阪泉地名皇甫謐曰在上谷○正義曰阪音白板反括地志云阪泉今名黃帝泉在媯州懷戎縣東出五里至涿

鹿東北與涿水合晉太原地理志云涿鹿城東一里有阪泉上有黃帝祠按阪泉之野則平野之地也三戰然後得

其志正義曰謂黃帝克炎帝之後蚩尤作亂不用帝命於是乃徵師諸

侯與蚩尤戰於涿鹿之野服虔曰涿鹿山名在涿郡張晏曰涿鹿在上谷○索隱曰或作濁鹿古今

字異耳按地理志上谷有涿鹿縣然則服虔云在涿郡者誤也遂禽殺蚩尤皇覽曰蚩尤冢在東

中高七丈民常十月祀之有赤氣出如匹絳帛民名為蚩尤旗肩髀

在山陽郡鉅野縣重聚大小與闕家等傳言黃帝與蚩尤戰於涿鹿之

野身體異處故別葬之。○索隱曰按皇甫謐云黃帝使應龍殺蚩尤於  
凶黎之谷或曰黃帝斬蚩尤于中冀因名其地曰絕饗之野皇覽書  
也記先代冢墓之處宜皇王之省覽而諸侯咸尊軒轅為天子  
故曰皇覽是魏人王象繆襲等所撰

代神農氏是為黃帝天下有不順者黃帝從而征之  
平者去之披山通道徐廣曰披他本亦作破字蓋當為披說者旁  
其邊之謂也披語誠合今世然古今不必同

也○索隱曰披音如字謂披山林草木而行以通道也徐廣音說恐稍行也  
未嘗寧居東至于海登

丸山徐廣曰丸一作凡駟案地理志曰丸山在郎邪朱虛縣○正義  
曰丸音栢括地志云丸山即丹山在青州臨朐縣界朱虛故縣

西北二十里丹水出焉丸音執守節按地志唯有凡山蓋凡山丸山是  
一山耳諸處字誤或凡或丸也漢書郊祀志云禪丸山顏師古云在朱  
虛亦與括地志相合明丸山是也

及岱宗正義曰泰山東岳也西至于空桐應劭  
曰山

名韋昭曰登鷄頭索隱曰山名也後漢王孟塞雞頭道在隴西一曰  
在隴右嶆峒山之別名○正義曰括地志云空桐山在肅  
州祿福縣東南抱朴子內篇云黃帝西見中黃子受九品之方過空桐

此按二處嶆峒皆云南至于江登熊湘封禪書曰南伐至于召陵  
黃帝登之未詳孰是登熊山地理志曰湘山在  
長沙益陽縣○正義曰括地志云熊耳山在商州洛陽西齊

桓公登之以望江漢也湘山一名鱗山在岳州巴陵縣南北逐葷

粥索隱曰匈奴別名也唐虞已上曰山戎亦曰熏  
粥夏曰淳維殷曰鬼方周曰玁狁漢曰匈奴合符金山索隱  
曰

諸侯符契圭瑞而朝之於釜山猶禹會諸侯於塗山然也又按郭子橫  
洞冥記稱東方朔云東海大明之煙有釜山山出瑞雲應王者之符命  
如堯時有赤雲之祥之類蓋黃帝黃雲之瑞故曰合符應於釜

山也○正義曰括地志云釜山在揚州懷戎縣北山上有舜廟而邑

于涿鹿之阿遷徙往來無常處以師兵為營衛正義曰  
繞軍兵

營以自衛若輅官名皆以雲命為雲師應劭曰黃帝受命有雲  
瑞故以雲紀事也春官

為青雲夏官為縉雲秋官為白雲冬官為黑雲中官為黃雲正義曰  
置左右大監監于萬國

去聲下監平聲萬國和而鬼神山川封禪與為多焉徐廣曰  
一作明

者周邵分陝也

萬國和而鬼神山川封禪與為多焉



索隱曰與音羊汝反與猶許也言萬國和同而鬼神山川封禪  
祭祀之事自古以來帝皇之中推許黃帝以為多多猶大也

**鼎迎日推策** 晉灼曰策數也迎數之也贊曰日月朔望未推  
下云於是推策迎日則神策者神著也黃帝得善以推  
策應數於是逆知節氣日辰之將來故曰推策迎日也

**舉風后力故** 鄭玄曰風后黃帝三公也班固曰力牧黃帝相  
也

**常先大鴻以治民** 鄭玄曰風后黃帝三公也班固曰力牧黃帝相  
也

之塵垢皆去又夢人執千鈞之弩驅羊萬群帝寤而歎曰風為號令執  
政者也垢去土后在也天下豈有姓風名后者哉夫千鈞之弩異力者  
也驅羊數萬群能牧民為善者也天下豈有姓力名牧者也於是依二  
占而求之得風后於海隅登以為相得力牧於大澤進以為將黃帝因

著白夢經十一卷藝文志云風后兵法十三篇圖三卷孤虛二十卷力牧兵法十五篇

**順天地之紀幽明之**

**占死生之說存亡之難** 索隱曰存亡猶安危也易曰危者安其  
非不盡假以往來之詞則曰難又上文有死生之說

故此云存亡之難所以韓非著書有說林說難也

**時播百穀草** 王肅曰時是也○索隱曰為一句○正義曰淳化鳥獸蟲蛾

一句蠛音牛綺反一作豸豸言淳化廣被及之○正義曰蠛音魚  
趨反又音豸豸音直氏反蟻蚍蟻也爾雅曰有足曰蟲無足曰豸

**羅日月星辰水波土石金玉** 索隱曰旁非一方羅廣布也今按  
大戴禮作歷離離即羅也言帝德

旁羅日月星辰水波及至土石金玉謂日月  
揚光海水不波山不藏珍皆是帝德廣被也

**勞勤心力耳目節用**

**水火材物** 正義曰節時節也水波障決洩也火山野禁放也材木也  
物事也言黃帝教民江湖陂澤山林原隰皆收採禁捕以

時用之有節  
令得其利也

**有土德之瑞故號黃帝** 索隱曰炎帝火黃帝土代  
之即黃龍地蟻見是也蟻

土精大五六圍長  
十餘丈蟻音引

**黃帝二十五子其得姓者十四人** 索隱曰舊  
三言得姓十三人耳披國語正月臣云黃帝之子二十五宗其得姓者  
十四人為十二姓姬酉祁已滕葢任荀偃姁嫫依是也唯青陽與夷該

同已姓又云青陽與蒼林為姬姓左則十四人為十二姓其文甚明唯  
姬姓再稱青陽與蒼林蓋國語文誤所以致令前儒共疑其姬姓青陽  
當為玄囂是帝嚳祖本與黃帝同姬姓其國語上文青陽即  
是少昊金天氏為已姓者耳既理在不疑無煩破四為三

**黃帝居**

**軒轅之丘** 皇甫謐曰受國於有熊居軒轅之丘故因為名又以為  
號山海經曰在窮山之際西射之南張晏曰作軒轅之丘

萬曆二十四年刊

故謂之而娶於西陵之女正義曰西陵國名也是為嫫祖徐廣曰嫫一作

索隱曰一曰雷祖音力唯反○正義曰一作嫫嫫祖為黃帝正妃象后妃四星皇甫謐云

元妃西陵氏女曰嫫祖生昌意次妃方雷氏女曰女節生青陽次妃彤魚氏女生夷鼓一名蒼林次妃嫫母班在三人之下按國語夷鼓蒼林

是二人又按漢書古今人表彤魚氏生夷鼓嫫母生蒼林不得如謐所說生三子其後皆有天下其二

曰玄囂是為青陽太史公據大戴禮以嫫祖生昌意及玄囂玄囂即青陽也皇甫謐以青陽為少昊乃方雷氏

所生是其所見異也○索隱曰玄囂帝嚳之祖按皇甫謐及宋衷皆云玄囂青陽即少昊也今此紀下云玄囂不得在帝位則太史公意青陽

非少昊明矣而此又云玄囂是為青陽當是誤也謂二人皆黃帝子並列其名所以前史因誤以玄囂青陽為一人耳宋衷又云玄囂青陽是

為少昊繼黃帝立者而史不叙蓋少昊金德王非五運之次故叙五帝不數之也青陽降居江水正義曰

云安陽故城在豫州新恩縣西南八十里應劭云占江國也地理志亦云安陽古江國也其二曰昌意降居若水索隱曰降下也言帝子為諸侯降居江水若水皆在蜀即所封國也

水索隱曰水出於牛徼外東流至故關為若水南過邛都又東北至朱提縣為廬江水是昌意娶蜀山氏女曰昌僕生高陽高陽有

聖德焉正義曰華陽國志及十三州志云蜀之先肇於人皇之際黃帝為子昌意娶蜀山氏後子孫因封焉帝顓頊高陽氏黃帝

之孫昌意之子母曰昌僕亦謂之女樞河圖云嵯光如蜺貫黃帝崩

月正白感女樞於幽房之宮生顓頊首戴干戈有德文也

皇甫謐曰在位百年而崩年百一十一歲○索隱曰按大戴禮宰我問孔子曰榮伊言黃帝三百年請問黃帝何人也抑非人也何以至三百

年乎對曰生而人得其利百年死而人畏其神百年亡而人用其教百年則士安之說畧可憑矣○正義曰列仙傳云軒轅自擇亡日與群臣

辭還葬橋山崩棺葬橋山皇覽曰黃帝冢在上郡橋山○正義曰空唯有劍焉在棺焉葬橋山格地志云黃帝陵在寧州羅川縣東八

十里于午山地里志云上郡陽周縣橋山南有黃帝冢按陽周隋改為羅川格地志云山銳而高曰橋也其孫昌意之

子高陽立是為帝顓頊也

帝顓頊高陽者皇甫謐曰都帝丘今東郡濮陽是也○索隱曰都與地黃帝之孫而昌意之子也靜淵以有謀疏通而知

事養材以任地

索隱曰言能養材物以任地大戴禮作養財

載時以象天

索隱曰言能養材物以任地大戴禮作養財

言行四時以象天大戴禮作履時以象天履亦踐而行也

依鬼神以制義

索隱曰鬼神聰明正當盡心敬事因制專事

之義故禮曰降于祖廟之謂仁義是也

治氣以教化

索隱曰謂理四時五行之氣以教化萬人也

絜誠以

祭祀北至于幽陵南至于交趾西至于流沙東至于蟠

木

海外經曰東海中有山焉名曰度索上有大桃樹屈蟠三千里東北有門名曰鬼門萬鬼所聚也天帝使神人守之一名鬱壘主閱領厲

鬼若害人之鬼以葦索縛之射以桃弧投虎食也

動靜之物小大之神日月所照莫

不砥屬

王肅曰砥平也四遠皆平而來服屬○索隱曰依王肅音止履據大戴禮作砥屬也

帝顓頊生子曰

窮蟬

索隱曰系本作窮係宋衷云一云窮係謚也○正義曰帝舜之高祖也

顓頊崩

皇甫謐曰在位七十八年

十八皇覽曰顓頊家在東郡濮陽頓丘城門外廣陽里中頓丘者城門名頓丘道○索隱曰皇甫謐云據左氏歲在鶉火而崩葬東郡又山

經曰顓頊葬鮒魚山而玄囂之孫晉囂立是為帝嚳

嚳譽高辛者

張晏曰少昊之前天下之號象其德顓頊以來天下之號因其名高陽高辛皆所興之地名顓頊與嚳皆以字

為號上古質故也○索隱曰宋衷曰高辛地名因以為號譽名也皇甫謐云帝嚳名交也

黃帝之曾孫也高辛

父曰嶠極

正義曰嶠音居兆反本作嶠音同又巨遙反帝堯之祖也

嶠極父曰玄囂玄囂

父曰黃帝自玄囂與嶠極皆不得在位至高辛即帝位

謚曰都亳今河南偃師是

高辛於顓頊為族子高辛生而神靈自言其

名

正義曰帝王紀云帝嚳高辛姬姓也其母生見其神異自言其名曰及齟齬有德年十五而佐顓頊三十登位都亳以人事紀官也

普施利物不於其身聰以知遠明以察微順天之義知民之

急仁而威惠而信脩身而天下服取地之財而節用之

撫教萬民而利誨之曆日月而迎送之明鬼神而敬事

之其色郁郁其德豈疑

索隱曰郁郁猶穆穆也豈疑德高也今按大戴禮郁作神疑作俟

動也時其服也士

索隱曰舉動應天時衣服服士服言其公且廉也

帝嘗既執中而

偏天下

徐廣曰古既字作水旁偏字一作尹○索隱曰即尚書允義厥中是也○正義曰視音既言帝嘗治民若水之既濬平等

而執中正偏於天下也

日月所照風雨所至莫不從服帝嘗娶陳鋒

氏女

正義曰鋒音峯又作豐帝王紀云帝嘗有四妃十其子皆有天下元妃有緜氏女曰姜嫄生后稷次妃有娥氏女曰簡狄生商

次妃陳豐氏女曰慶都生放勳次妃嫫姆氏女曰常儀生帝摯也

生放勳

正義曰放音方往反勳亦作勳音許云反言堯能放

上代之功故曰放勳堯姓伊祁氏帝王紀云帝堯陶唐氏祁姓也母慶都十四月生堯

娶嫫姆氏女生摯

曰按皇甫謐云女名常儀也

帝嘗崩

皇甫謐曰在位七十年年百九歲皇覽曰帝嘗冢在東郡

濮陽頓丘城南臺陰野中

而摯代立帝摯立不善崩

索隱曰古本作不善音張慮反俗本作不善不

善謂微弱不着猶不着明衛宏云摯立九年而唐侯德盛因禪位焉○正義曰帝王紀云帝摯之母於四人中班最在下而摯於兄弟最長得登帝位封異母弟放勳為唐侯摯在位九年政微弱而唐侯德盛諸侯

定州唐縣也

而弟放勳立是為帝堯

帝堯者

謚法曰翼善傳聖曰堯○索隱曰堯蓋也放勳名帝嘗之子長孺之家故從母所居為姓也○正義曰徐廣云號陶唐帝王紀云堯都平陽於詩為唐國徐才宗國都城記云唐國帝堯之裔子所封其北

帝夏禹都漢曰太原郡在古冀州太行恒山之西其南有晉水括地志云今晉州所理平陽故城是也平陽河水一名晉水也

放勳

徐廣曰號陶唐皇甫謐曰堯以甲申歲生甲辰即位甲午徵舜甲寅舜代行天子事辛巳崩年百十八在位九十八年其仁如

天其知如神就之如日望之如雲富而不驕貴而不舒

索隱曰舒猶慢也

黃收純衣

徐廣曰純一作絞駟案太古冠冕圖云大戴禮作不豫夏后堯曰收禮記曰野夫黃冠鄭玄曰

純衣士之祭服○索隱曰收冕名其色

彤車乘白馬能明馴德

徐廣曰馴古訓字○索隱曰史記馴字徐廣皆讀曰訓馴也言聖德能順人也案尚書作俊德孔安國云能明用俊德之士與此文意別處

以親九族九族既睦便章百姓

徐廣曰下云便程東作然則訓平為便也駟案尚書並作平字

孔安國曰百姓百官鄭玄曰百姓羣臣之父子兄弟○索隱曰古文書作平此文蓋讀平為滿耕反平既訓便因作便章其今文作辯章古平字亦作便音婢緣反便則訓百姓昭明合和萬國乃命義和

孔安國曰重黎之後羲氏和氏世掌天地之官○正義曰呂刑傳云重即羲黎即和雖別為氏族而出自重黎也敬順昊天

正義曰敬猶恭勤也元氣昊然廣大故云昊天釋文云春為蒼天夏為昊天秋為旻天冬為上天而獨言昊天者以堯能敬天大故以昊大言

之數法日月星辰正義曰歷數之法日之甲乙月之夫小昏明

曆敬授民時索隱曰尚書作歷象日月則此言數法是訓曆象二字謂命羲和以歷數之法觀察日月星辰之早晚以敬授

人時也○正義曰尚書考靈曜云主春者張昏中可以種麥主夏者火昏中可以種黍秋者虛昏中可以種麥主冬者昴昏中可以收歛

也天子視四星之中知民緩急故云敬授民時也分命羲仲居郁夷曰暘谷尚書作暘夷孔安國

曰東表之地謂暘夷日出於暘谷羲仲治東方之官○索隱曰史記舊本作湯谷今並依尚書字案淮南子曰日出湯谷浴於咸池則湯谷亦

有他證明矣又下曰昧谷徐廣云一作柳柳亦日入處地名太史公將採經記而為此史廣記異聞不必皆依尚書蓋郁夷亦地之別名也

敬道日出便程東作孔安國曰敬道出日平均次序東作之事以務農也○索隱曰劉伯莊傳昔依古史作平

義音然尚書大傳曰辨秩東作則是訓秩為程言便課其作程者也○正義曰道音導便程並如字後同導訓也三春主東故言日出耕作在

春故言東作命羲仲恭勤道日中星鳥以殷中春孔安國曰日中謂春分之日也

鳥南方朱鳥七宿也殷正也春分之昏鳥星畢見以正仲春之氣節轉以推孟季則可知也○正義曰下中音仲夏秋冬並同其民

析鳥獸字微孔安國曰春事既起丁壯就功言其民老壯分所也乳化曰字尚書微作尾字說文云尾交接也申命

羲叔居南交孔安國曰夏與春交此治南方之官也○索隱曰孔註未是然則冬與秋交何故下無其文且東嶠夷西昧谷

比幽都三方皆言地而夏獨不言地乃云與春交斯不例之甚也然便南方地有名交趾者或古文畧舉一字各地南交則是交趾不疑也

程南譌敬致孔安國曰譌化也平序分南方化育之事敬行其教以致其種殖使

有程期也日永星火以正中夏孔安國曰永長也謂夏至之日

可知也以正中夏之節馬融王肅謂其民因鳥獸希革孔安國曰

日長晝漏六十刻鄭玄曰五十五刻因謂老

萬曆二十四年刊

五帝本紀一

因就在田之丁壯以助農也夏時申命和仲居西土徐廣曰一鳥獸毛羽希少改易也革改也

者今天水之西縣也駟案鄭玄曰曰昧谷徐廣曰一作柳谷駟案孔西者隴西之西今人謂之兌山

冥故曰昧谷此居治西敬道日入便程西成孔安國曰秋西方萬物成也夜中

星虛以正中秋孔安國曰春言日秋言夜互相備也虛玄武之中

案虛星主墳墓鄒氏或得其理其民夷易鳥獸毛毳孔安國曰夷平也老壯者在田與夏平也毳理

也毛更生曰毳理申命和叔居北方曰幽都孔安國曰北稱幽都謂所聚也

○索隱曰案山海經曰北海便在伏物索隱曰使和叔察北方藏伏之物謂人畜積聚等冬皆藏

伏尸子亦曰北方者伏方也尚書作平在朔日短星昴以正中冬

孔安國曰日短冬至之日也昴白虎之中星亦以七星並見以正冬節也馬融王肅謂日短書漏四十刻鄭玄曰四十五刻非

其民燠鳥獸毳毛徐廣曰毳音茸綱案孔安國曰毳入室處鳥獸皆生毳細毛以自溫也歲三百六十六日

以閏月正四時索隱曰夫周天三百六十五度四分度之一是天度一度月一日行十三度十九分度之七至二十九日半彊月行天一匝又逐反日而與會一年十二會是為十二月每月二十九日過半年分出小月六是每歲餘六日又大歲三百六十六日小歲三百六十五日舉全數云六十六日其實一歲唯餘十日弱未滿三歲已成一月則置閏若三年不置閏則正月為二月九年差三月則以春為夏十七年差六月則四時皆反以此四時不正歲不成矣故傳曰歸餘於終事則不悖是

信飭百官眾功皆興堯曰誰可順此事正義曰言將登用之嗣位也放齊

曰嗣子丹朱開明孔安國曰放齊臣名○正義曰放音方往反鄭玄云帝堯亂嗣之子名曰丹朱開朗也按開解而達也帝王紀云堯娶散宜氏女曰女皇生丹朱汲冢紀年云后稷放帝子丹朱范汪荊州記云丹水縣在丹川堯子朱之所封也括地志云丹朱故城在鄧州內鄉縣西南百三十里丹朱故為縣

堯曰吁頑凶不用孔安國曰吁疑怪之辭○正義曰左傳云口不道忠信之言為嚚心不則德義之經為頑凶訟也言丹朱心既頑嚚又好爭訟不可用之堯又曰誰可者

謹兇曰共工旁聚布功可用孔安國曰謹兇臣名鄭玄曰共工水官名○正義曰兇音斗候反

萬曆二十四年刊

堯曰共工善言其用僻似恭漫天不可堯又曰嗟四嶽

鄭玄曰四嶽四時官主方嶽之事○正義曰嗟嘆鴻水問四嶽誰能理也孔安國云四嶽即上義和四子也分掌四嶽之諸侯故稱焉湯

湯洪水滔天浩浩懷山襄陵

孔安國曰懷包裹上也○正義曰言水奔突有所滌除也上之物為水漂流蕩蕩然按懷藏包裹之義故懷為句釋言以襄為駕駕乘牛馬皆在上也言水襄上乘陵浩浩盛大

勢若漫天下民其憂有能使治者皆曰鯀可堯曰鯀負命毀族

不可正義曰負音俯依字通負違也族類也鯀性很戾獄曰異哉試

不可用而已正義曰音異孔安國云異已已退也言餘人盡已唯鯀可試無成乃退堯於是聽獄

用鯀九歲功用不成正義曰爾雅釋文云載歲也夏曰祀周曰年唐虞曰載李巡云各自紀事不相襲也孫炎云歲取星行一次也祀取四時祭祀一訖也年取年穀一熟也載取萬物始更終也載者年之別名故以載為年也按功用不成水害不息故放退也至明年得舜乃舜堯曰嗟四嶽朕在位七十載汝能庸

命踐朕位鄭玄曰言汝諸侯之中有能順事用天命者今處我位統治天子之事者乎○正義曰孔安國云堯年十六以唐侯升為天子在位七十載獄應曰鄙德忝帝位堯曰悉舉貴戚

及疏遠隱匿者眾皆言於堯曰有矜在民間曰虞舜孔安國曰

無妻曰矜○正義曰矜古頑反堯曰然朕聞之其何如獄曰盲者子父頑

母瞽弟傲能和以孝蒸蒸治不至姦正義曰蒸之升反進也言父頑母瞽弟傲

舜皆和以孝進之於善不至於姦惡也堯曰吾其試哉於是堯妻之二女正義曰

音七計反二女娥皇女英也娥皇無子女觀其德於二女正義曰

英生商均舜升天子娥皇為后女英為妃觀其德於二女正義曰

德行於二女以理家而觀國也舜飭下二女於媯汭孔安國曰舜所居媯水之汭

反汭音芮舜能整齊二女以義理下二女之心於媯汭使行婦道於媯氏也括地志云媯源汭水出蒲州河東南山許慎云水涯曰汭按地志

云河東郡青山東山中有二泉下南流者媯水北流者汭水二水具屋舍流出谷西注河媯水北曰汭也又云河東縣二里故蒲坂城舜所居

萬曆二十四年刊

也城中有舜廟城外如婦禮堯善乃及使舜慎和五典

有舜宅及二妃壇典五教也蓋試以司徒之職五典能從乃徧入百官百官時序賓於四

明四門穆穆諸侯遠方賓客皆敬馬融曰四門四方之門

之皆有堯使舜入山林川澤暴風雷雨舜行不迷索隱曰

美德也納于大麓殺梁傳曰林屬於山曰麓是山足曰麓故此以為人堯以

為聖召舜曰女謀事至而言可績二年矣女登帝位舜

讓於德不懌徐廣曰音亦今文尚書作不怡怡懌也○索隱曰古

所以心意文作不嗣今文作不怡怡即懌也謂辭讓於德不堪正月上日馬融曰上日朔日也○正義曰鄭玄云帝王易

舜受終於文祖文祖者堯大祖也鄭玄曰文祖者五府

○正義曰舜受堯終帝之事於文祖也尚書帝命驗云帝者承天立府

以尊天重象也五府者禮記謂之天府夏謂之正室殷謂之重室周謂

之明堂皆祀五帝之所也文祖者赤帝燦怒之府名曰文祖火精光

之府名顯紀紀法也金精斷割萬物故謂之顯紀周曰總章玄矩者

帝光紀之府名曰玄矩也法也水精玄珠能權輕重故謂之玄

矩周曰玄堂靈府者蒼帝靈威仰之府名曰靈府周曰青陽於是

帝堯老命舜攝行天子之政以觀天命舜乃在璿璣

玉衡以齊七政鄭玄曰璿璣玉衡渾天儀也七政日月五星也○

安更以璿璣玉衡以齊七政璿為運轉衡為橫簫運機使動於下以

望之是王者正文天器也觀其齊與不齊今七政齊則已受禪為是

而以衡望之轉璣窺衡以知星宿璣徑八尺圓周二尺五寸而強

類於上帝鄭玄曰禮祭天於圜丘○正義曰五經異義云非時

子將出類于上帝鄭玄云昊天禋于上帝命風師雨師也

上帝謂天皇帝北辰之星也○正義曰周語云精意以享曰禋也按星五星

也辰日月所會十二次也司中司命文昌第五第四星也

鳳師箕星也

也



兩師畢星也禮祭法云埋少牢於太昭祭時也禳祈於坎壇祭寒暑也  
王宮祭日也夜明祭月也幽崇祭星雩祭祭水旱也司馬彭蠡漢書云  
安帝立六宗祀於洛陽城西北亥地禮比大社魏因之望幸山川  
至晉初荀顛言新祀以六宗之神諸家說不同乃廢之望幸山川  
曰望者遙望而祭山川也山川五嶽四瀆也爾雅云梁山晉望也辯于羣神  
徐廣曰辯音班關案鄭  
○正義曰辯音班關案鄭

遍謂祭群神也揖五瑞擇吉日月見四嶽諸牧班瑞馬融曰  
五瑞公侯伯子男所執以為瑞信也堯將禪舜使群牧斂之使舜親往  
班之○正義曰揖音集周禮典瑞云王執鎮圭尺二寸公執桓圭九寸  
侯執信圭七寸伯執躬圭五寸子執穀璧男執蒲璧皆五寸言五瑞者

王不在中也孔文詳云宋末會稽修禹廟於廟庭山土中得五等圭璧  
百餘枚形與周禮同皆短小此即禹會諸侯於  
會稽執以禮山神而埋之其璧今猶有在也歲二月泉巡狩至

於岱宗柴馬融曰舜受終後五年之二月鄭玄曰望秩于山川  
正義曰乃以秩望祭東方諸侯境內之名山遂見東方君長合

大川也言秩者五岳視三公四瀆視諸侯

正月正日正義曰既見東方君長乃合同四時氣節月之大小日之

國則節氣晦朔皆天子頒之猶恐諸

侯國異或不齊同因巡狩合正之同律度量衡正義曰漢律志

度量衡所以齊遠近立民信也律有十二陽六為律陰六為呂律以統

氣類物一曰黃鍾二曰太簇三曰姑洗四曰蕤賓五曰夷則六月無射

呂以旅揚言氣一曰林鍾二曰南呂三曰應鍾四曰大呂五曰夾鍾六

曰中呂度者分寸尺丈引也所以度長短也本起黃鍾之管長以子穀

秬黍中者一黍為一分十分為一十寸為尺十尺為丈十丈為引而

五度審矣量者龠合升斗斛也所以量多少也本起黃鍾之龠以子穀

秬黍中者于有二百實為一龠十龠為合十合為升十升為斗十斗為

斛而五量嘉矣衡權者銖兩斤鈞石也所以秤物輕重也本起於黃鍾

之一龠容千二百黍重十二銖二十四銖為兩十六兩為斤修五禮正義

曰周禮以吉禮事邦國之鬼神祇以凶禮哀邦國之憂以賓禮親邦國

以軍禮同邦國以嘉禮親萬民也尚書堯典云類于上帝吉禮也如張

考妣凶禮也群后四朝賓禮也大禹謨云汝祖五玉鄭玄曰即五瑞  
征軍禮也堯典云女子時嘉禮也文音女慮反也執之曰瑞陳  
列曰二帛馬融曰三孤所執也鄭玄曰帛所以薦玉也必三者高  
義曰孔安國云諸侯世子執纁公之孤執玄附庸之君執黃也按三纁  
紀推伏羲為天統色尚赤神農為地統色尚黑黃帝為人統色尚白身

吳黃帝子亦尚白故高陽氏又**二生**正義曰羔鴈也鄭玄注周禮大宗伯云羔小羊也取其群不失其羣也鴈取其候時而行也卿執羔大夫執鴈按羔鴈性馴可生為贄

取其守介死**為摯**正義曰摯音至摯執也鄭玄云摯子之言至所以自致也**如五器卒乃復**

馬融曰五器上五玉五玉禮終則還之三帛已下不還也○正義曰卒音子律反復音伏**五月南巡狩八月西**

**巡狩十一月北巡狩皆如初歸至于祖禰廟**正義曰禰音乃禮反何休云生

曰父死曰**用特牛禮五歲一巡狩羣后四朝**鄭玄曰巡狩之考廟曰禰岳之下其間四年四方諸侯分來朝于京師也**徧告以言**正義曰徧音遍言遍告天子治理之言也**眡試以功**

**車服以庸**正義曰孔安國云功成則錫車服以表顯其能用也**肇十有二州決川**馬融曰禹平水

**象以典刑**馬融曰言此象**流宥五刑**馬融曰

**作贖刑**馬融曰金黃金也意善功惡使出金贖罪坐不戒慎者**眚哉過赦**鄭玄曰眚哉為人作惠害者也

**金**遺忘也**鞭作官刑**馬融曰為辨治官事者為刑**扑作教刑**鄭玄曰扑攢楚也

**之靜哉**徐廣曰今文云惟刑之謚哉爾雅曰謚靜也索隱曰案謹古文作恤哉且今文是伏生口誦恤謚聲近遂作謚也**謹**

**兜進言共工**正義云雍泥澤池也共工窮奇也鯀檮杌也三苗饕餮也左傳云舜斥堠九流四凶投諸四裔以禦魘魅也

**堯曰不可而試之工師**正義曰工師若今大匠卿也**共工果淫辟四獄**

**舉鯀治鴻水堯以為不可嶽彊請試之試之而無功啓**

**姓不便二苗**馬融曰國名也○正義曰左傳云自古諸侯不用王命

饗餐也吳起云三苗之國左洞庭而右彭蠡按洞庭湖名在岳州巴陵西南一里南與青草湖連彭蠡湖名在江州潯陽縣東南五十二里以

五帝本紀一

五

天子在堯故洞庭在西為左彭蠡在東正義曰淮讀曰在江淮荊州正義曰淮讀曰

為右今江州鄂州岳州三苗之地也彭蠡湖也本屬荊州尚書云南入于江東匯澤為彭蠡是也數為亂於是舜歸而言於帝

請流共工于幽陵馬融曰幽陵比衣阿也○正義曰尚書及大戴禮皆作幽州括地志云故龔城在檀州燕樂縣界

故老傳云舜流共工幽州居此城神異經云西北荒有人以變北狄

放驩堯於崇山以變南蠻遷二苗於三危以變西戎殛

鯀於羽山以變東夷四皐而天下咸服堯立七十年得

舜二十年而老令舜攝行天子之政薦之於天堯辟位

凡二十八年而崩馬融曰崇山南裔也○正義曰神異經云南方

行食海中魚為人很惡不畏風雨獸犯死乃休名曰謹兇也○馬融曰

三危西裔也○正義曰括地志云三危山有峰故曰三危俗亦名罕羽

山在沂州嶺縣東南三十里神異經云西荒中有人焉面目手足皆

大荒北經黑水之北有人有翼名曰苗民也○馬融曰殛誅也羽山東

裔也○正義曰殛音紀力反孔安國云殛羸放流皆誅也括地志云羽

山在沂州臨沂縣界神異經云東方有人焉人形而身多毛自解水土

通塞為人自用欲為欲息皆曰云是鯀也○徐廣曰堯在位凡九十

年綱案皇覽曰堯冢在濟城陰劉向曰堯葬濟陰丘壠山呂氏春秋

堯葬穀林皇甫謚曰穀林即城陽堯都平陽於詩為唐國○正義曰

皇甫謚云堯即位九十八年通舜攝二十八年也凡年百一十六歲孔

安國云堯壽百一十六歲括地志云堯陵在濮州雷澤縣西三里郭生

述征記云城陽縣東有堯冢亦曰堯陵有百姓悲哀如喪父母

三年四方莫舉樂以思堯堯知子丹朱之不肖不足授

天下索隱曰鄭玄曰肖似也不似肖不如人也皇甫謚云堯娶授

舜則天下得其利而丹朱病授丹朱則天下病而丹朱

得其利堯曰終不以天下之病而利一人而卒授舜以天

下堯崩三年之喪畢舜讓辟丹朱於南河之南劉熙曰南

河九河之

萬曆二十四年刊

最在南者。正義曰：括地志云：故堯城在濮濟鄆城縣東北十五里。書云：昔堯德衰，為舜所囚也。又有偃朱城，在縣西北十五里。竹書云：舜囚堯，復偃塞丹朱，使不與父相見也。按濮州北臨濮水，大川也。河在堯都之南，故曰南河。禹貢至于南河是也。其偃朱城所居，即舜讓避丹朱於南河之處也。諸侯朝覲者，不之丹朱而之舜；獄訟者，不之丹朱而之舜；謳歌者，不謳歌丹朱而謳歌舜。舜曰：天也夫。

然後之中國，踐天子位焉，是為帝舜。

虞舜者

謚法曰：仁聖盛明曰舜。○索隱曰：虞國名，在河東太陽縣。舜諡也。皇甫謐云：舜字都君也。○正義曰：括地志云：故虞城在

陝州河北縣東北五十里。虞山之上。酈元注水經云：幹橋東北有虞城。堯以女嬪于虞之地也。又宋州虞城大襄國所封之邑。杜預云：舜後諸侯也。又越州餘姚縣。顧野王云：舜後支庶所封之地。舜姚姓，故云餘姚。縣西七十里。有漢上虞故縣。會稽舊記云：舜上虞人去虞三十里有姚丘。即舜所生也。周處風土記云：舜東夷之人生姚丘。括地志又云：姚墟在濮州雷澤縣東十三里。孝經援神契云：舜生於姚墟。按二說所未詳也。名曰禹妻。徐廣曰：皇甫謐云：舜以堯之二十一年甲子生，三十一

年甲午徵用。七十九年壬午即真。百歲癸卯崩。○正義

曰：尚書云：重華協于帝。孔安國云：華謂文德也。言其光又重合於

瞽姓。為妻曰握登。見大虹，意感而生舜於姚墟。故姓姚。目重瞳子。故曰

重華。字都君。龍顏大口。重華父曰瞽叟。正義曰：先后反。孔安國云：黑色，身長六尺一寸。重華父曰瞽叟。無目曰瞽。舜父有目不能

分別好惡，故時人謂之瞽。瞽叟父曰橋牛。正義曰：橋，又音嬌。橋牛父曰

句望。正義曰：句，古侯反。望，音亡。句望父曰敬康。敬康父曰窮蟬。窮蟬父

曰帝顓頊。顓頊父曰昌意。以至舜七世矣。自從窮蟬以

至帝舜，皆微為庶人。舜父瞽叟盲而舜母死。索隱曰：皇甫

渥登生舜於姚墟。因姓姚氏也。瞽叟更娶妻而生象，象傲。瞽叟愛後妻，子

常欲殺舜。舜避逃，及有小過，則受罪。順事父及後母，與

弟日以篤謹，匪有懈。舜冀州之人也。正義曰：蒲州河東縣本屬冀州。宋永初山川記云：蒲坂城中有舜廟，城外有舜宅及二妃壇。括地志云：媯州有媯水，源出城中。耆舊傳云：即舜釐降二女於媯汭之所。外城中有舜井。城北有

歷山山上有舜廟未詳。舜耕歷山。鄭玄曰在河東。正義曰括地志

按媯州亦冀州城是也。山亦名歷山亦名首陽山亦名蒲山亦名襄山亦名甘棗山亦名猪山

亦名狗頭山亦名蒲山亦名吳山此山西起雷首山東至吳坂凡十二

名隨州縣分之歷山南有舜井又云越州餘姚縣有歷山舜井二所

又有姚墟云生舜處也及媯汭歷山舜井皆云舜所耕處未詳也。雷澤

鄭玄曰雷夏兖州澤今屬濟陰。正義曰括地志云雷澤有雷神龍首人頰鼓其

腹則雷也。陶河濱。皇甫謐曰濟陰定陶西南陶丘亭是也。正義曰按於

三十里即舜所都也。南去歷山不遠。或陶所在。作什器於壽丘。皇

則可何必定陶方得為陶也。舜之陶也。斯或一焉。蓋人家常用之器非一故

以十為數猶今云什物也。壽丘地黃帝生處。正義曰壽音受。顏師

古云軍法五人為伍二伍為什則六器物故謂生生之。就時於負夏

具為什器亦猶從軍及作役者十八人為火共畜調度也。就時於負夏

鄭玄曰負夏衛地。索隱曰就時猶逐時。若言乘時射利也。舜父瞽

高書大傳曰販於頓丘就時負夏。血子曰遷於負夏是也。舜父瞽

又頑母瞽瞍象傲皆欲殺舜舜順適不失子道兄弟

孝慈欲殺不可得即求嘗在側舜年二十以孝聞三十

而帝堯問可用者四嶽咸薦虞舜曰可於是堯乃以二

女妻舜以觀其內使九男與處以觀其外舜居媯汭

內行彌謹堯二女不敢以貴驕事舜親戚。正義曰親戚謂

象妹顛手等也。甚有婦道堯九男皆益篤舜耕歷山歷山之

人皆讓畔漁雷澤雷澤上人皆讓居陶河濱河濱器皆不

苦窳。索隱曰音游甫反。駟曰窳病也。正一年而所居成聚。正義

在喻反謂村落也。二年成邑二年成都。正義曰周禮郊野法云九夫為井四

康熙三十九年刊

五帝本紀一

十七

焚廩舜乃以兩笠自扞而下去得不死索隱曰言以笠自扞

輕下得不損傷皇甫謐云兩織織笠類列女傳云二女教舜鳥工上廩是也○正義曰通史云瞽叟使舜滌廩舜告堯二女女曰時其焚汝鵲

汝衣裳鳥工往舜既登廩得免去也後瞽叟又使舜穿井舜穿井為匿空旁出

索隱曰空音孔列女傳所謂龍土入井是也○正義曰言舜潛匿穿孔

旁從他井而出也通史曰舜穿井又告二女二女曰去汝裳衣龍工往

入井瞽叟與象下土實井舜從他井出去也括地志云舜井在媯州懷

戎將西外城中其西人有一井者舊傳云並舜井也舜自中出帝王紀

云河東有舜井未詳舜既入深瞽叟與象共下土實井舜從匿空出去

瞽叟象喜以舜為已死象曰本謀者象象與其父母分正

扶問於是曰舜妻堯二女與琴象取之牛羊倉廩予父母象

乃止舜宮居鼓其琴舜往見之象鄂不懌曰我思舜正

鬱陶舜曰然爾其庶矣索隱曰言汝猶當庶幾於友悌之情義也

舜復事瞽叟愛弟彌謹於是堯乃試舜在

百官皆治昔高陽氏有才子八人世得其利謂之八愷賈

曰愷和也○索隱曰左傳史克對季文子曰昔高陽氏

有才子八人倉舒饋贈禱戲大臨麗降庭堅仲容叔達

子八人世謂之八元賈逵曰元善也○索隱曰左傳高辛氏有才子

此十六族者世濟其美索隱曰謂元愷各有親族故稱

名至於堯堯未能舉舜舉八愷使主后土王肅曰君治九土

地也○索隱曰禹為司空以揆百事莫不時序正義曰言禹度

空主土則禹在八愷之中

以時得其舉八元使布五教于四方索隱曰契為司徒司徒敷

義母慈兄友弟恭子孝內平外成正義曰杜預云內諸夏外夷

太平夷秋

向化也

昔帝鴻氏有不才子賈逵曰帝鴻黃帝也

不掩義隱

萬曆二十四年刊

五帝本紀一

十八

賊好行凶慝天下謂之渾沌

正義曰慝惡也一本云天下之惡謂之渾沌渾沌即驩兜也杜預云

渾沌不開通之貌神異經云崑崙西有獸焉其狀如犬長毛四足似麋而無爪有目而不見行不開有兩耳而不聞有人知往有腹無五藏有腹直短食經過人有德行而往抵角有凶惡而行依憑之名渾沌又莊子云南海之帝為儵忽中央之帝為渾沌儵忽時相遇於渾沌之地渾沌待之甚善儵與忽謀欲報渾沌之德曰人皆有七竅以視聽食息此獨無有嘗試鑿之曰鑿一竅七日而渾沌死按言驩兜性似故號之也

少皞氏有不才子毀信惡忠宗飾惡言天下謂之窮奇

正義曰神異經云西北有獸其狀似

曰謂其工氏也其行窮而好奇。正義曰神異經云西北有獸其狀似亮有翼能飛便勦食人知人言語聞人鬪輒食直者聞人忠信輒食其鼻聞人惡逆不善輒殺獸往饋之名曰窮奇按言其工性似故號之。顓頊氏有不才子不可教訓不

知話言天下謂之檮杌

賈逵曰檮杌頑凶無疇匹之貌謂鯀也。正義曰檮杌音道刀反杌音五骨反神異經

云西方荒中有獸焉其狀如虎而大毛長二尺人面虎足猪口牙尾長一丈八尺攬亂荒中名檮杌一名傲很一名難訓按言鯀性似故號之此三族世惡之至于堯堯未能去緡雲氏有不才子

曰緡雲氏姜姓也炎帝之苗裔當黃帝時在緡雲之官也。正義曰緡州緡雲縣蓋其所封也書云緡赤繒也此以上四處皆左傳文或本有並文次相類四凶故書之恐本錯脫耳謂三苗也言貪飲食冒貨賄故謂之饕餮神異經云西南有人焉身多毛上頭戴豕性很惡好息積財而不用善奪人穀物強者畏羣而單名饕餮言三苗性似故號之。貪于飲食冒于貨賄天下謂之饕餮天下惡之比之三凶。杜預曰非帝子孫故舜實于四門。正義曰杜預云關四門達四聰以賞象賢之也乃流四凶族遷于四裔以御魍魎。賈逵曰四

王城四千里服虔曰魍魎人面獸身四足好惑人山林異氣所生以為人害。正義曰御音魚呂反魍音丑知反魎音媚按御魍魎恐更有邪語之人故流放四凶以御之也故下云無凶人也。於是四門辟言毋凶人也舜入于大

麓烈風雷雨不迷堯乃知舜之足授天下堯老使舜攝行天子政巡狩舜得舉用事二十年而堯使攝政攝政八年而堯崩三年喪畢讓丹朱天下歸舜而禹臯陶契后稷伯

夷夔龍垂益彭祖

索隱曰彭祖即陸終氏之第三子鑿鑿之後為大彭亦稱彭祖○正義曰高姚二音畢陶字

庭既王英六二國是其後也契音薛殷之祖也伯夷齊太公之祖也夔自堯時舉官也垂音倕亦作垂內言之官也益伯翳也即秦趙之祖彭祖

自堯時舉用歷夏殷封於大彭

於是舜乃至于文祖謀于四嶽辟四門明通四方耳目

十二牧論帝德行厚德遠佞人則蠻夷率服舜謂四嶽曰

有能奮庸美堯之事者使居官相事皆曰伯禹為司空可

美帝功舜曰嗟然禹汝平水土維是勉哉禹拜稽首讓

於稷契與臯陶舜曰然往矣鄭玄曰然其舉得其人汝往居此官不聽其所讓也舜曰

棄黎民始創徐廣曰今文尚書作祖創祖始也○索隱曰古文汝后

稷播時百穀鄭玄曰時讀曰蒔○正義曰稷農舜曰契百姓不

親五品不馴汝為司徒而敬敷五教在寬舜曰臯陶蠻夷

猾夏寇賊姦軌鄭玄曰由內為姦起外汝作士馬融曰獄官之

言大理五刑有服正義曰孔安國云服從也言輕重之中正也按愚

卿也五服三就馬融曰五刑墨劓截鼻也刑明足也宮淫刑也

男子割勢婦人幽閉也大辟死刑也五服三就罪陳諸原野次罪於市朝同族適甸帥

氏既服五刑五流有度正義曰度音徒洛反尚書作宅孔

當就三處惟明能信正義曰謂在八議君不忍刑宥之

罪投四裔次九州之外次中國舜曰誰能馴予工皆曰垂可於

是以垂為其工舜曰誰能馴予上下草木鳥獸馬融曰上

謂原下謂皆曰益可於是以益為朕虞馬融曰虞掌

山澤之官名益拜稽首讓

于諸臣朱虎熊羆索隱曰即高辛氏之子伯虎仲熊也○正義曰

孔安國云朱虎熊羆二臣也垂益所讓四人皆



在元凱之中也舜曰往矣汝諧遂以朱虎熊羆為佐正義曰為益之佐也舜

曰嗟四嶽有能典朕三禮馬融曰三禮天神地祇人鬼之禮也皆曰伯夷可舜

曰嗟伯夷以汝為秩宗鄭玄曰主秩尊甲漢書百官表云王莽太常曰秩宗依古也

曰風夜維敬直哉維靜絜正義曰靜清也絜明也孔安國云職典禮

伯夷讓夔龍舜曰然正義曰孔安國云然其推賢不許其讓也以夔為

典樂教穉子鄭玄曰國子也按尚書作冑子孔安國云穉冑聲相近

直而溫寬而栗剛而無虐簡而無

傲正義曰孔安國云剛失之虐簡失之傲教之以防其失也詩言意歌長言馬融曰歌所以長言詩之意也聲

依永律和聲鄭玄曰律之曲折又依長言聲中律乃為和也八音能諧毋相奪倫神

人以和鄭玄曰祖考來格琴瑟夔曰於予擊石拊石百獸率舞

鄭玄曰百獸服不氏所養者也率于舞言音和也正義曰於音鳥孔安國云石磬音之清者拊亦擊也擊于清者和則其餘皆從矣樂感百獸使相率而舞則神人和可知也按磬一片黑石也下音福尤反周禮夏官有服不氏掌服猛獸下士一人徒四人鄭玄云不服之獸也舜

曰龍朕畏忌讒說殄偽振驚朕眾徐廣曰一云齊說殄行振驚眾駟案鄭玄曰所謂色

取仁而行遠是驚動我之眾臣使之疑惑命汝為納言風夜出入朕命惟信舜曰

嗟女二十有一人馬融曰稷契皋陶皆居官久有成功但述而美之無所復叙禹及垂已下皆初命凡六人與上

十二枚四嶽凡二十二人鄭玄曰昔格于文祖時所殺命也敬哉惟時相天事三歲一考功

三考絀陟遠近眾功咸興分北三苗鄭玄曰所竄三苗為西裔諸侯者猶為惡乃復分折

此二十二人咸成厥功臯陶為大理平正義曰臯陶作士

民各伏得其實伯夷主禮上下咸讓垂主工師正義曰工

匠卿也百工致功益主虞山澤辟正義曰婢亦反開也棄主稷百穀時茂

也萬曆二十四年刊

契主司徒百姓親和龍主賓客遠人至十二牧行而九州

莫敢辟違正義曰禹九州之民莫敢辟違舜十二牧也唯禹之功為大披九山正義曰披

厥官方五千里至于荒服南撫交趾北發索隱曰西戎析

枝渠度氏羌索隱曰北山戎發息慎鄭玄曰息慎或謂之肅慎東北夷東長

鳥夷索隱曰此言帝舜之德皆撫及四方夷人故先以撫字總之北發當云北戶南方有地名北戶又案漢書北發是北方國名今

以北發為南方之國誤也此文省略四夷之名錯亂西戎上少一西字

山戎下少一北字長字下少一夷字長夷也鳥夷也其意宜然今案大

戴禮亦云長夷則長是夷號又云鮮支渠搜則鮮枝當此析枝也鮮析

音相近鄒氏劉氏云息並音肅非也且夷狄之名古書不必皆同今讀

如字也○正義曰注鳥或作鳥括地志云百濟國西南海中有大島十

五所皆置邑有人居屬百濟又倭國西南大海中島居凡百餘小國在

京南萬三千五百里按四海之內咸戴帝舜之功於是禹乃

興九招之樂索隱曰招音韶即舜樂致異物鳳皇來翔天下

明德皆自虞帝始舜年二十以孝聞年三十堯舉之

年五十攝行天子事年五十八堯崩年六十一代堯踐

帝位皇甫謐曰舜所都或言蒲阪或言平陽或言濬浦今上谷也○正義曰括地志曰平陽今晉州城是也濬浦今濬州城是也蒲坂

今蒲州南二里河東縣界蒲坂故城是也踐帝位二十九年南巡狩崩於蒼梧之野

葬於江南九疑是為零陵皇覽曰舜冢在零陵營浦縣其山九谿皆相

之耕禮記曰舜葬蒼梧二妃不從山海經曰蒼梧山帝舜葬于陽丹朱葬于陰皇甫謐曰或曰二妃葬衡山舜之踐帝位

載天子旗往朝父瞽叟夔夔唯謹如子道封弟象為諸

侯孟子曰封之有庠音鼻○正義曰帝王紀云舜弟象封於有鼻括地志云鼻亭神在道縣北六十里故老傳云舜葬九疑象來至此後人

立祠名為鼻亭神輿地志云零陵郡應陽縣東有山山有象廟王隱晉書云此大泉陵縣北部東五里有鼻墟象所封也舜子商

萬曆二十四年刊

均亦不肖

皇甫謐曰：娥皇無子，女英生商均。正義曰：譙周云：以虞封舜子，今宋州虞城縣。括地志云：虞國，舜後所封邑也。或

云：封舜子均於商，故號商均也。

舜乃豫薦禹於天

索隱曰：謂告天使之攝位也。

十七年而崩

三年喪畢

禹亦乃讓舜子，如舜讓堯子

正義曰：括地志云：禹居洛州陽城者。

避商均非時，又居也。

諸侯歸之，然後禹踐天子位。堯子丹朱，舜子商

均，皆有疆土，以奉先祀。

譙周曰：以唐封堯之子，以虞封舜之子。索隱曰：漢書律曆志云：封于朱於丹淵，為諸侯。商均封虞，今梁國虞城縣也。正義曰：括地志云：定州唐縣，堯後所封。宋州虞城縣，舜後所封也。

如之以客見天子

正義曰：為天子之賓客也。

天子弗臣，示不敢專也。自

黃帝至舜，禹皆同姓，而異其國號，以章明德。

徐廣曰：外傳曰：黃帝二十五子，其得姓者十四人。虞翻云：以德為氏，姓又虞說，以凡有二十五人，其二

人同姓，姬又十一人為一姓。西祀已勝歲，任荀釐姑嫪，亦是也。餘子不姓，德薄，故黃帝為有熊，帝顓頊為高陽，帝嚳為高辛，帝

堯為陶唐，舜為有虞。皇甫謐曰：舜嬪于虞，因為氏。今河東太陽西山上虞城是也。

帝禹為夏，后而別氏姓，妣氏契為商，姓子氏。

周姓姬氏

鄭玄駁許慎五經異義曰：春秋左傳無駭卒，羽父請諡與族，公問族於眾仲，眾仲對曰：天子建德，因生以賜姓，胙之土而命之氏，諸侯以字為氏，因為族，官有世功，則有官族，邑亦如之。公命以字為展氏，以此言之，天子賜姓命氏，諸侯命族，族者，氏之別名也。姓者，所以統繫百世，使不別也。氏者，所以別子孫之所出，故世本之篇言姓則在上，言氏則在下也。

太史公曰

正義曰：太史公曰：禹遠自謂也。自叙傳云：太史公曰：先人有言，又云：太史公曰：余聞之董生，又云：太史公遭李陵之禍，明太史公司馬遷自號也。遷為太史公官題贊首也。虞喜云：古者主天官者皆上公，非獨遷。

矣，然尚書獨載堯以來，而百家言黃帝，其文不雅馴。

正義曰：謂百家之言皆非典雅之訓。

薦紳先生難言之。

徐廣曰：薦紳，即帶紳也。古字假借。

孔子所

謂也。謂百家之言皆非典雅之訓。

萬曆二十四年刊

孔子所

傳宰予問五帝德及帝繫姓

正義曰繫音奚計反五帝德及帝繫姓皆大戴禮文及孔子家語篇

名漢儒者以二書非經恐不

是聖人之言故或不傳學也

儒者或不傳皆大戴禮及孔子家語

篇名以二者皆非正經故漢時儒者

以為非聖人之言故多不傳學也

余嘗西至空峒正義曰余太

嘗曾也空桐山在原州平高縣

西百里黃帝問道于廣成子處

北過涿鹿正義曰涿鹿山在媯州東南五十里山側有涿鹿城

即黃帝堯舜之都也

東漸于海南浮江淮矣至長老皆各往往稱黃

帝堯舜之處風教固殊焉總之不離古文者近是

索隱曰古

文即帝德帝系二書也近是聖人之說

予觀春秋國語其發明五帝德帝繫

姓章矣顧弟弗深考

徐廣曰弟但也史說漢書見此者非一又左思蜀都賦曰弟如滇池而不詳者多以

為字誤學者安可不博觀乎

其所表見皆不虛

索隱曰言帝德帝系所有表見者皆不為虛妄也

書

缺有間矣

正義曰言古文尚書缺失其間多矣而無說黃帝之語

其軼乃時時見於他

耳

非好學深思心知其意固難為淺見寡聞道也余并

論次擇其言尤雅者故著為本紀書首

正義曰太史公據古文并論二百家

論次擇其言語典雅者故著為五帝本紀在史記百二十篇書之首

索隱述贊曰

帝出少典

居于軒丘

既代炎曆

遂禽蚩尤

既代炎位

靜深有謀

小大遠近

莫不懷柔

爰泊帝嚳

列聖同休

帝摯之弟

其號放勳

就之如日

望之如雲

郁夷東作

五帝本紀第一

昧谷西曛 明敷仄陋 玄德升聞

能讓天下 賢哉二君

右述贊之體深所不安何者夫敘事美功含有

首末懲惡 褒貶觀太史公贊論之中


或國有數 行不能備論終始自可

略申梗概 事偏引一奇即為一篇之

贊將為龜鏡諷所不取斯亦明月之珠不能無

類矣公並重為一百三十篇之贊云

五帝本紀第一 史記一



五  
帝  
本  
紀

三  
四

